



Dr. Zulkifli Mohamad Al-Bakri

PEJABAT MENTERI DI JABATAN PERDANA MENTERI
(HAL EHWAL AGAMA)



INI LAH DOAKU

Edisi Kemaskini







Kandungan

Kata Pengantar	1
Mukadimah	3
Takrif dan Kepentingan Doa	5
<i>Doa-1</i> : Ditetapkan Islam	9
<i>Doa-2</i> : Penghulu Bagi Doa Mohon Keampunan	10
<i>Doa-3</i> : Mohon Keampunan	12
<i>Doa-4</i> : Doa Mohon Taqwa	14
<i>Doa-5</i> : Doa Pengiktirafan	15
<i>Doa-6</i> : Kelapangan Hati dan Jiwa	16
<i>Doa-7</i> : Doa Keluar dari Kediaman	18
<i>Doa-8</i> : Petunjuk, Ketaqwaan, Iffah dan Kekayaan	19
<i>Doa-9</i> : Ditunjukkan Kebenaran	20
<i>Doa-10</i> : Ilmu, Rezeki dan Amalan	22
<i>Doa-11</i> : Pertolongan untuk Zikir	23
<i>Doa-12</i> : 'Afiyat dan Pemeliharaan	24
<i>Doa-13</i> : Keampunan	26
<i>Doa-14</i> : Agar Diperbaiki Diri	27

<i>Doa-15</i> : Minta Kemudahan	28
<i>Doa-16</i> : Dicukupkan yang Halal	29
<i>Doa-17</i> : Ditetapkan Hati	30
<i>Doa-18</i> : Minta Kebaikan dan Menolak Kejahatan	31
<i>Doa-19</i> : Ditambahkan Kebaikan	33
<i>Doa-20</i> : Diilhamkan Kecerdasan	34
<i>Doa-21</i> : Penghujung Umur yang Baik	35
<i>Doa-22</i> : Elok Dalam Kesudahan Urusan	36
<i>Doa-23</i> : Mohon Keselamatan	37
<i>Doa-24</i> : Diselamatkan dari Azab	38
<i>Doa-25</i> : Berlindung dari Kejahatan	39
<i>Doa-26</i> : Berlindung dari Empat Perkara	40
<i>Doa-27</i> : Berlindung dari Penyakit Kronik	41
<i>Doa-28</i> : Diselamatkan dari Kemungkaran	42
<i>Doa-29</i> : Menolak Bala	43
<i>Doa-30</i> : Agar Tidak Dihilangkan Nikmat	44
<i>Doa-31</i> : Mohon Kurniaan dan Rahmat-Nya	45
<i>Doa-32</i> : Berlindung dari Dukacita	46
<i>Doa-33</i> : Kesabaran dan Keteguhan	48
<i>Doa-34</i> : Mohon Bersyukur	49
<i>Doa-35</i> : Mohon Hidayah	50
<i>Doa-36</i> : Mohon Rahmat	51
<i>Doa-37</i> : Keampunan dan Doa Saudara	52
<i>Doa-38</i> : Membina Keluarga Bahagia	53
<i>Doa-39</i> : Pemimpin dan Kepimpinan yang Baik	57
<i>Doa-40</i> : Kebaikan Dunia dan Akhirat	60
Nota Hujung	61
Penutup	112



Kata Pengantar

Saya ingin mengucapkan tahniah dan syabas kepada YB Senator Datuk Dr. Zulkifli Mohamad al-Bakri, Menteri Di Jabatan Perdana Menteri (Hal Ehwal Agama) atas komitmen dan dedikasi dalam membudayakan ilmu dalam masyarakat Malaysia. Sesungguhnya ini adalah satu usaha yang murni dalam memperkaya khazanah perbukuan di Malaysia.

Doa adalah pengharapan seseorang untuk mendapatkan kebaikan daripada Allah SWT dengan memohon secara langsung kepada-Nya. Setiap individu mempunyai keperluan dan keinginan masing-masing sama ada secara positif atau negatif, kerana mereka terpaksa menghadapi pelbagai rencam kehidupan berupa cabaran, halangan dan dugaan. Justeru umat Islam diajar supaya berdoa kepada Allah SWT bagi memohon limpah perkenan dan rahmat-Nya supaya hajat terkabul.

Buku **"Inilah Doaku"** ini pada hemat saya, keluar tepat pada masanya bagi memberikan solusi dan alternatif kepada umat Islam di Malaysia berhubung segala kecamuk masalah yang melanda. Ia menyedarkan kita betapa pentingnya kebergantungan kepada Allah SWT dalam menghadapi apa jua kemelut dalam hidup.

Saya berharap semoga YB Senator Datuk akan terus menghasilkan karya-karya berkualiti demi ummah. Malaysia masih dan sentiasa memerlukan buah fikiran beliau untuk mengarusperdanakan kefahaman Islam dalam kalangan masyarakat. Saya percaya, itulah harapan kita semua kepada beliau.

Sekian, terima kasih.

Penerbit





Mukadimah

Alhamdulillah, pujian dan syukur kepada Ilahi dengan pelbagai kurniaan dan anugerah yang tidak terhitung buat kita semua. Selawat dan salam ke atas Nabi SAW, keluarga, sahabat dan yang mengikut jejak langkahnya hingga hari kesudahan.

Pada hari ini, 1 Februari 2020, saya terfikir akan betapa pentingnya untuk kita memulakan kehidupan pada setiap pagi dengan berdoa. Sementelahan lagi, dalam dua minggu belakangan ini, telah merebaknya wabak coronavirus sehingga mengorbankan begitu ramai manusia. Dari situ, terdetik dalam hati saya, alangkah baiknya jika kita mempunyai doa khusus yang diamalkan untuk kehidupan kita.

Buku **Inilah Doaku** pada kali ini adalah cetakan yang ketiga dengan sedikit penambahan doa dan penambahan bentuk doa secara berjemaah agar mudah diamalkan oleh semua kelompok masyarakat. Oleh kerana buku ini telah menarik banyak pihak untuk memilikinya, maka menjadi tanggungjawab kami untuk melakukan kemaskini pada setiap kali cetakan baru dilakukan.

Dalam buku kecil ini, kami kemukakan sejumlah doa yang sewajarnya dibaca dan diamalkan. Kami berazam dan bercita-cita untuk beriltizam membacanya pada waktu pagi meskipun jumlah doa yang dikemukakan tidaklah sebanyak mana.

Cukuplah untuk kita mengambil masa dalam 10 hingga ke 15 minit untuk bermunajat dengan doa-doa ini. Ia mungkin boleh dilakukan selepas solat Subuh atau sebelum pergi ke tempat kerja pada setiap pagi.

Ini sebagai menzahirkan diri kita sebagai seorang Muslim yang bergantung kepada Allah SWT. Begitu juga kerana berdoa merupakan sebahagian daripada sifat tawakkal kepada-Nya. Sementelahan lagi, amalan berdoa merupakan amalan para nabi, rasul, para sahabat, salafus soleh dan manusia yang kenal kepada Tuhannya.

Dengan penambahan yang telah kami nyatakan, diharap benar-benar memberi manfaat dan kesan yang baik kepada pengamal doa-doa ini, insya Allah. Semoga dimustajabkannya. Amin.

Akhir kalam, marilah sama-sama kita berdoa dan munajat kepada Allah untuk mentahqiqkan kehambaan kita kepada-Nya dengan memelihara segala adab-adab semasa berdoa.

Akhukum fillah,

Dr. Zulkifli bin Mohamad al-Bakri

Isnin, 14 Jun 2021

bersamaan 4 Zulkaedah 1442 Hijri





Takrif dan Kepentingan Doa

Doa menurut Imam al-Khattabi adalah permohonan hamba kepada Tuhannya dengan mengharapkan pertolongan-Nya dan juga bantuan daripada-Nya. (Lihat **Sya'n al-Du'a**, 1/4)

Allah SWT berfirman:

وَقَالَ رَبُّكُمْ ادْعُونِي أَسْتَجِبْ لَكُمْ

Maksudnya: “Dan Tuhan kamu berfirman: “Berdoalah kamu kepada-Ku nescaya Aku perkenankan doa permohonan kamu.”

Surah Ghafir (60)

Ayat di atas menunjukkan bahawa Allah SWT bukan sahaja memerintahkan kepada para hamba-Nya untuk beribadah bahkan Dia juga memberikan jaminan bahawa doa tersebut akan dimustajabkan. Kata Khalid al-Rib'ie: *Sangat ajaib buat umat ini, dikatakan kepada*

mereka: “Berdoalah kepada-Ku nescaya Aku akan mustajabkan.” Allah memerintahkan kepada mereka untuk berdoa, serta menjanjikan kepada mereka kemustajaban tanpa ada sebarang syarat antara keduanya. (Lihat *al-Jami’ li Ahkam al-Quran*, 15/292)

Kemudian Allah SWT berfirman dalam ayat yang sama:

إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ دَاخِرِينَ

Maksudnya: “Sesungguhnya orang-orang yang sombong takbur daripada beribadat dan berdoa kepada-Ku, akan masuk neraka Jahannam dalam keadaan hina.”

Surah Ghafir (60)

Ibn ‘Asyur didalam tafsirnya menyatakan bahawa ayat ini menjadidلیل bahawa Allah SWT menuntut hamba-Nya untuk berdoa kepada-Nya berkaitan hajat-hajatnya serta ia menjadi دلیل akan pensyariatannya dan perkara ini tidak mempunyai *khilaf* dalam kalangan umat Islam sendiri. (Lihat *Tafsir Ibn ‘Asyur*, 24/183)

Dalam sebuah hadith yang diriwayatkan daripada Ibn Umar R.A, Nabi SAW bersabda:

إِنَّ الدُّعَاءَ يَنْفَعُ مِمَّا نَزَلَ وَمِمَّا لَمْ يَنْزَلْ ، فَعَلَيْكُمْ عِبَادَ اللَّهِ بِالْدُّعَاءِ

Maksudnya: “Sesungguhnya doa itu bermanfaat terhadap apa yang telah diturunkan dan apa yang belum diturunkan. Oleh itu, hendaklah kamu berdoa wahai hamba Allah.”

Riwayat al-Tirmizi (3548)

Dalam menghadapi musibah, doa dan permohonan kepada Allah SWT mampu menolong seseorang untuk menghadapinya. Ibn Qayyim dalam *al-Jawab al-Kafi* menyebut bahawa doa merupakan ubat yang paling bermanfaat. Ia merupakan musuh bagi musibah. Ia dapat mengubati dan mengatasinya, mencegah turunnya musibah atau mengangkatnya atau meringankannya. Ia merupakan senjata orang beriman.

Doa dalam menghadapi musibah terbahagi kepada tiga tingkatan:

- ◆ **Doa lebih kuat dari musibah, maka ia dapat mengusirnya.**
- ◆ **Doa lebih lemah dari musibah, maka musibah dapat mengalahkannya sehinggalah seseorang ditimpa musibah. Akan tetapi boleh jadi doa dapat meringankannya walaupun doanya lemah.**
- ◆ **Keduanya saling berlawanan antara satu sama lain, saling mencegah terjadinya pada orang tersebut. (Lihat *al-Jawab al Kafi*, hlm. 4)**

Justeru, marilah kita sama-sama mengamalkan doa memohon kepada Allah SWT dalam apa jua urusan dalam kehidupan kita.

Itulah serba ringkas berkenaan dengan doa di samping memenuhi syarat serta adabnya ketika kita bermunajat untuk berdoa. Semoga Allah SWT makbulkan doa kita semua.





بِسْمِ اللَّهِ الرَّحْمَنِ الرَّحِيمِ

Doa 1

Ditetapkan Islam

أَصْبَحْنَا عَلَى فِطْرَةِ الْإِسْلَامِ وَعَلَى كَلِمَةِ الْإِخْلَاصِ ،
وَعَلَى دِينِ نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ ، وَعَلَى مِلَّةِ
أَبِينَا إِبْرَاهِيمَ حَنِيفًا مُسْلِمًا وَمَا كَانَ مِنَ الْمُشْرِكِينَ

Maksudnya: “Kami hayati pagi ini di atas landasan fitrah dan perwatakan Islam, berpegang kepada kalimah ikhlas (kalimah syahadah), dan berpegang kepada agama Nabi kami Muhammad SAW yang juga agama ayah kami Ibrahim, yang berada di atas jalan yang lurus, muslim dan tidak tergolong dari kalangan orang-orang musyrik.” ¹

Riwayat Ahmad (15360), (15363); al-Nasa’ie dalam **al-Sunan al-Kubra** (9831) dan al-Tabarani dalam **al-Du’a** (293)

Pada waktu petang, hendaklah ditukar lafaz “أَصْبَحْنَا” kepada “أَمْسَيْنَا”

Doa 2

Penghulu Bagi Doa Mohon Keampunan

اَللّٰهُمَّ اَنْتَ رَبِّيْ لَا اِلَهَ اِلَّا اَنْتَ، خَلَقْتَنِيْ وَاَنَا عَبْدُكَ،
وَاَنَا عَلٰى عَهْدِكَ وَوَعْدِكَ مَا اسْتَطَعْتُ، اَعُوْذُ بِكَ مِنْ
شَرِّ مَا صَنَعْتُ، اَبُوْءُ لَكَ بِنِعْمَتِكَ عَلَيَّ، وَاَبُوْءُ بِذَنْبِيْ
فَاغْفِرْ لِيْ فَاِنَّهُ لَا يَغْفِرُ الذُّنُوْبَ اِلَّا اَنْتَ

Maksudnya: “Ya Allah, Engkau adalah Tuhanku, tidak ada tuhan yang berhak disembah kecuali Engkau, Engkaulah yang menciptakanku dan aku adalah hamba-Mu. Aku akan setia pada perjanjianku pada-Mu (iaitu aku akan mentauhidkan-Mu) dan aku yakin akan janji-Mu (berupa syurga untukku) dengan sedaya upayaku. Aku berlindung kepada-Mu dari kejahatan yang aku lakukan. Aku mengakui nikmat-Mu kepadaku dan aku mengakui dosaku, maka ampunilah aku. Sesungguhnya tiada yang mengampuni dosa kecuali Engkau.”²

Riwayat al-Bukhari (6306), Abu Daud (5070), al-Tirmizi (3393), Ibn Majah (3872), al-Nasa’ie dalam *al-Sunan al-Kubra* (10417) dan Ahmad (23013)

Bacaan untuk jemaah:

اَللّٰهُمَّ اَنْتَ رَبُّنَا لَا اِلٰهَ اِلَّا اَنْتَ، خَلَقْتَنَا وَنَحْنُ عِبِيدُكَ،
وَنَحْنُ عَلَى عَهْدِكَ وَوَعْدِكَ مَا اسْتَطَعْنَا، نَعُوْذُ بِكَ مِنْ
شَرِّ مَا صَنَعْنَا، نَبُوْءُ لَكَ بِنِعْمَتِكَ عَلَيْنَا، وَنَبُوْءُ بِذُنُوْبِنَا،
فَاغْفِرْ لَنَا فَاِنَّهُ لَا يَغْفِرُ الذُّنُوْبَ اِلَّا اَنْتَ

Maksudnya: “Ya Allah, Engkau adalah Tuhan kami. Tidak ada tuhan yang berhak disembah kecuali Engkau, Engkaulah yang menciptakan kami dan kami adalah hamba-Mu. Kami akan setia pada perjanjian kami pada-Mu dan janji-Mu dengan sedaya upaya kami. Kami berlindung kepada-Mu dari kejahatan yang kami lakukan. Kami mengakui nikmat-Mu kepada kami dan kami mengakui dosa kami, maka ampunilah kami. Sesungguhnya tiada yang mengampuni dosa kecuali Engkau.”



Doa 3

Mohon Keampunan

اللَّهُمَّ إِنِّي ظَلَمْتُ نَفْسِي ظُلْمًا كَثِيرًا، وَلَا يَغْفِرُ الذُّنُوبَ إِلَّا
أَنْتَ، فَاعْفِرْ لِي مَغْفِرَةً مِنْ عِنْدِكَ، وَارْحَمْنِي، إِنَّكَ أَنْتَ
الْغَفُورُ الرَّحِيمُ

Maksudnya: “Ya Allah! Sungguh aku telah menzalimi diriku sendiri dengan kezaliman yang banyak, sedangkan tidak ada yang dapat mengampuni dosa-dosa kecuali Engkau. Maka ampunilah aku dengan suatu pengampunan dari sisi-Mu, dan rahmatilah aku. Sesungguhnya Engkau Maha Pengampun lagi Maha Penyayang.”³

Riwayat al-Bukhari (7387)
dan Muslim (2705)

Bacaan untuk jemaah:

اللَّهُمَّ إِنَّا ظَلَمْنَا أَنْفُسَنَا ظُلْمًا كَثِيرًا، وَلَا يَغْفِرُ الذُّنُوبَ إِلَّا
أَنْتَ، فَاعْفِرْ لَنَا مَغْفِرَةً مِنْ عِنْدِكَ، وَارْحَمْنَا، إِنَّكَ أَنْتَ
الْعَفُورُ الرَّحِيمُ

Maksudnya: “Ya Allah! Sungguh kami telah menzalimi diri kami dengan kezaliman yang banyak, sedangkan tidak ada yang dapat mengampuni dosa-dosa kecuali Engkau. Maka ampunilah kami dengan suatu pengampunan dari sisi-Mu, dan rahmatilah kami. Sesungguhnya Engkau Maha Pengampun lagi Maha Penyayang.”



Doa 4

Doa Mohon Taqwa

اللَّهُمَّ آتِ نَفْسِي تَقْوَاهَا، وَزَكِّهَا أَنْتَ خَيْرُ مَنْ زَكَّاهَا، أَنْتَ
وَلِيِّهَا وَمَوْلَاهَا

Maksudnya: “Ya Allah, berikanlah ketakwaan pada jiwaku, dan bersihkanlah ia kerana Engkaulah sebaik-baik yang dapat membersihkannya. Engkaulah Pelindung dan Tuan kepadanya.”⁴

Riwayat Muslim (2722), al-Nasaie (5458), Ahmad (25798) dan al-Tabarani dalam al-Mu’jam al-Kabir (5085)

Bacaan untuk jemaah:

اللَّهُمَّ آتِ نُفُوسَنَا تَقْوَاهَا، وَزَكِّهَا أَنْتَ خَيْرُ مَنْ
زَكَّاهَا، أَنْتَ وَلِيِّهَا وَمَوْلَاهَا

Maksudnya: “Ya Allah, berikanlah ketakwaan pada jiwa kami, dan bersihkanlah ia kerana Engkaulah sebaik-baik yang dapat membersihkannya. Engkaulah Pelindung dan Tuan kepadanya.”



Doa 5

Doa Pengiktirafan

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ

Maksudnya: "Sesungguhnya tiada Tuhan (yang dapat menolong) melainkan Engkau (ya Allah)! Maha Suci Engkau (daripada melakukan aniaya, tolongkanlah daku)! Sesungguhnya aku adalah daripada orang-orang yang menganiaya diri sendiri." ⁵

Surah al-Anbiya' (87)



Doa 6

Kelapangan Hati dan Jiwa

اللَّهُمَّ إِنِّي عَبْدُكَ ، وَابْنُ عَبْدِكَ ، وَابْنُ أَمَتِكَ ، نَاصِيَتِي بِيَدِكَ ،
مَاضٍ فِي حُكْمِكَ ، عَدْلٌ فِي قَضَاؤِكَ ، أَسْأَلُكَ بِكُلِّ اسْمٍ
هُوَ لَكَ سَمِيَتْ بِهِ نَفْسُكَ ، أَوْ عَلَّمْتَهُ أَحَدًا مِنْ خَلْقِكَ ، أَوْ
أَنْزَلْتَهُ فِي كِتَابِكَ ، أَوْ اسْتَأْثَرْتَ بِهِ فِي عِلْمِ الْغَيْبِ عِنْدَكَ ،
أَنْ تَجْعَلَ الْقُرْآنَ رِيعَ قَلْبِي ، وَنُورَ صَدْرِي ، وَجِلَاءَ
حُزْنِي ، وَذَهَابَ هَمِّي .

Maksudnya: “Ya Allah, sesungguhnya aku adalah hamba-Mu, anak kepada hamba-Mu, anak kepada hamba perempuan-Mu, ubun-ubunku di tangan-Mu, telah berlalunya keputusan-Mu, Engkau telah berlaku adil ke atas ku dalam keputusan-Mu. Aku memohon kepada-Mu dengan setiap nama yang Engkau berikan pada diri-Mu, atau yang telah Engkau ajarkan kepada salah satu makhluk ciptaan-Mu, atau yang telah Engkau turunkan dalam kitab-Mu, atau yang telah Engkau rahsiakan dalam ilmu ghaib-Mu, untuk menjadikan al-Quran sebagai penyejuk hatiku, cahaya di dadaku, penghilang kesedihanku, penghapus kesusahanku.”⁶

Riwayat Ahmad (3712), Ibn Hibban (972), Ibn Abi Syaibah dalam **al-Musannaf** (29808), al-Baihaqi dalam **al-Da'awat al-Kabir** (155), al-Tabarani dalam **al-Du'a** (1035), al-Hakim dalam **al-Mustadrak** (1/509) dan Ibn al-Sunni dalam **'Amal al-Yaum wa al-Lailah** (339)

Bacaan untuk jemaah:

اللَّهُمَّ إِنَّا عِبِيدُكَ، وَبَنُو عَيْدِكَ، وَبَنُو إِمَائِكَ، نَوَاصِينَا
بَيْدِكَ، مَاضٍ فِيْنَا حُكْمُكَ، عَدْلٌ فِيْنَا قَضَاؤُكَ، نَسْأَلُكَ
بِكُلِّ اسْمٍ هُوَ لَكَ سَمَّيْتَ بِهِ نَفْسَكَ، أَوْ عَلَّمْتَهُ أَحَدًا مِنْ
خَلْقِكَ، أَوْ أَنْزَلْتَهُ فِي كِتَابِكَ، أَوْ اسْتَأْثَرْتَ بِهِ فِي عِلْمِ
الْغَيْبِ عِنْدَكَ، أَنْ تَجْعَلَ الْقُرْآنَ رِيعَ قُلُوبِنَا، وَنُورَ
صُدُورِنَا، وَجِلَاءَ أَحْزَانِنَا، وَذَهَابَ هُمُومِنَا.

Maksudnya: “Ya Allah, sesungguhnya kami adalah hamba-Mu, anak kepada hamba-Mu, anak kepada hamba perempuan-Mu, ubun-ubun kami di tangan-Mu, telah berlalunya keputusan-Mu, Engkau telah berlaku adil ke atas kami dalam keputusan-Mu. Kami memohon kepada-Mu dengan setiap nama yang Engkau berikan pada diri-Mu, atau yang telah Engkau ajarkan kepada salah satu makhluk ciptaan-Mu, atau yang telah Engkau turunkan dalam kitab-Mu, atau yang telah Engkau rahsiakan dalam ilmu ghaib-Mu, untuk menjadikan al-Quran sebagai penyejuk hati kami, cahaya di dada kami, penghilang kesedihan kami, penghapus kesusahan kami.”



Doa 7

Doa Keluar dari Kediaman

بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ

Maksudnya: “Dengan nama Allah, aku bertawakkal kepada Allah. Tiada upaya dan tiada kekuatan kecuali dengan Allah.”⁷

Riwayat Abu Daud (5095), al-Tirmizi (3426) dan al-Nasa’ie dalam *al-Sunan al-Kubra* (9917)

Bacaan untuk jemaah:

بِسْمِ اللَّهِ تَوَكَّلْنَا عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ

Maksudnya: “Dengan nama Allah, kami bertawakkal kepada Allah. Tiada upaya dan tiada kekuatan kecuali dengan Allah.”



Doa 8

Petunjuk, Ketaqwaan, Iffah dan Kekayaan

اللَّهُمَّ إِنِّي أَسْأَلُكَ الْهُدَى ، وَالتَّقَى ، وَالْعَفَافَ ، وَالْغِنَى

Maksudnya: “Wahai Allah! Sesungguhnya aku memohon kepada-Mu petunjuk, ketakwaan, sifat iffah dan kekayaan.”⁸

Riwayat Muslim (2721), al-Tirmizi (3489), Ibn Majah (3105), Ahmad (3950) dan Ibn Hibban (900)

Bacaan untuk jemaah:

اللَّهُمَّ إِنَّا نَسْأَلُكَ الْهُدَى ، وَالتَّقَى ، وَالْعَفَافَ ، وَالْغِنَى

Maksudnya: “Wahai Allah! Sesungguhnya kami memohon kepada-Mu petunjuk, ketakwaan, sifat iffah dan kekayaan.”



Doa 9

Ditunjukkan Kebenaran

اللَّهُمَّ رَبَّ جِبْرِيلَ، وَمِيكَائِيلَ، وَإِسْرَافِيلَ، فَاطِرَ
السَّمَاوَاتِ وَالْأَرْضِ، عَالِمِ الْغَيْبِ وَالشَّهَادَةِ، أَنْتَ تَحْكُمُ
بَيْنَ عِبَادِكَ فِيمَا كَانُوا فِيهِ يَخْتَلِفُونَ، اهْدِنِي لِمَا اخْتَلَفَ فِيهِ
مَنِ الْحَقُّ بِإِذْنِكَ، إِنَّكَ تَهْدِي مَنْ تَشَاءُ إِلَى صِرَاطٍ مُسْتَقِيمٍ

Maksudnya: “Ya Allah, Tuhan Jibril, Mikail, dan Israfil. Yang Menciptakan langit dan bumi, Yang Maha Mengetahui yang ghaib mahupun yang kelihatan. Engkaulah yang Menghakimi hamba-hamba-Mu di dalam apa yang mereka perselisihkan. Tunjukkanlah aku dengan izin-Mu kepada kebenaran di dalam apa yang diperselisihkan. Sesungguhnya Engkau memberi petunjuk ke arah Sirat al-Mustaqim kepada sesiapa yang Engkau Kehendaki.” ⁹

Riwayat Muslim (770), Abu Daud (676), al-Tirmizi (3420), Ibn Majah (1357), al-Baihaqi dalam **al-Sunan al-Kubra** (4854), al-Nasa’ie dalam **al-Sunan al-Kubra** (1324) dan Ahmad (25225).

Bacaan untuk jemaah:

اللَّهُمَّ رَبَّ جِبْرِيلَ، وَمِيكَائِيلَ، وَإِسْرَافِيلَ، فَاطِرَ السَّمَاوَاتِ
وَالْأَرْضِ، عَالِمَ الْغَيْبِ وَالشَّهَادَةِ، أَنْتَ تَحْكُمُ بَيْنَ عِبَادِكَ
فِيمَا كَانُوا فِيهِ يَخْتَلِفُونَ، اهْدِنَا لِمَا اخْتَلَفَ فِيهِ مِنَ الْحَقِّ
بِإِذْنِكَ، إِنَّكَ تَهْدِي مَنْ تَشَاءُ إِلَى صِرَاطٍ مُسْتَقِيمٍ.

Maksudnya: “Ya Allah, Tuhan Jibril, Mikail, dan Israfil. Yang Menciptakan langit dan bumi, Yang Maha Mengetahui yang ghaib mahupun yang kelihatan. Engkaulah yang Menghakimi hamba-hamba-Mu di dalam apa yang mereka perselisihkan. Tunjukkanlah kami dengan izin-Mu kepada kebenaran di dalam apa yang diperselisihkan. Sesungguhnya Engkau memberi petunjuk ke arah Sirat al-Mustaqim kepada sesiapa yang Engkau Kehendaki.”

Kebenaran?



Doa 10

Ilmu, Rezeki dan Amalan

اللَّهُمَّ إِنِّي أَسْأَلُكَ عِلْمًا نَافِعًا ، وَرِزْقًا طَيِّبًا ، وَعَمَلًا مُتَقَبَّلًا

Maksudnya: “Ya Allah, aku memohon kepada-Mu ilmu yang bermanfaat, rezeki yang baik dan amalan yang diterima.”¹⁰

Riwayat Ibn Majah (925), al-Nasa’ie dalam *al-Sunan al-Kubra* (9930) dan Ahmad (26602)

Bacaan untuk jemaah:

اللَّهُمَّ إِنَّا نَسْأَلُكَ عِلْمًا نَافِعًا، وَرِزْقًا طَيِّبًا، وَعَمَلًا مُتَقَبَّلًا

Maksudnya: “Ya Allah, kami memohon kepada-Mu ilmu yang bermanfaat, rezeki yang baik dan amalan yang diterima.”



Doa 11

Pertolongan untuk Zikir

اللَّهُمَّ أَعِنِّي عَلَى ذِكْرِكَ ، وَشُكْرِكَ ، وَحُسْنِ عِبَادَتِكَ

Maksudnya: “Ya Allah, tolonglah aku untuk zikir kepada-Mu, bersyukur kepada-Mu dan elok dalam beribadat kepada-Mu.”¹¹

Riwayat Abu Daud (1522), al-Nasa’ie (1303), Ahmad (22119), al-Baihaqi dalam **al-Da’awat al-Kabir** (1/362) dan Ibn Hibban (2020)

Bacaan untuk jemaah:

اللَّهُمَّ أَعِنَّا عَلَى ذِكْرِكَ ، وَشُكْرِكَ ، وَحُسْنِ عِبَادَتِكَ

Maksudnya: “Ya Allah, tolonglah kami untuk zikir kepada-Mu, bersyukur kepada-Mu dan elok dalam beribadat kepada-Mu.”

Doa 12

‘Afiyat dan Pemeliharaan

اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ ، اللَّهُمَّ
إِنِّي أَسْأَلُكَ الْعَفْوَ وَالْعَافِيَةَ فِي دِينِي وَدُنْيَايَ وَأَهْلِي
وَمَالِي ، اللَّهُمَّ اسْتُرْ عَوْرَاتِي وَآمِنْ رَوْعَاتِي ، اللَّهُمَّ
احْفَظْنِي مِنْ بَيْنِ يَدَيْي وَمِنْ خَلْفِي وَعَنْ يَمِينِي وَعَنْ شِمَالِي
وَمِنْ فَوْقِي ، وَأَعُوذُ بِعَظَمَتِكَ أَنْ أُغْتَالَ مِنْ تَحْتِي

Maksudnya: “Ya Allah, sesungguhnya aku memohon pada-Mu keampunan dan keselamatan (‘afiyat) di dunia dan akhirat. Ya Allah, sesungguhnya aku memohon pada-Mu keampunan dan keselamatan (‘afiyat) dalam agama, dunia, keluarga dan hartaku. Ya Allah, tutupilah aibku dan berilah ketenteraman di hatiku. Ya Allah, jagalah aku dari depan, belakang, kanan, kiri, dan atasku. Aku memohon perlindungan dengan keagungan-Mu agar tidak disambar dari bawahku.”¹²

Riwayat Abu Daud (5074), al-Nasa’ie (5530), Ibn Majah (3871), Ibn Hibban (961), Ahmad (4785) dan al-Bukhari dalam *al-Adab al-Mufrad* (1200)

Bacaan untuk jemaah:

اللَّهُمَّ إِنَّا نَسْأَلُكَ الْعَافِيَةَ فِي الدُّنْيَا وَالْآخِرَةِ ، اللَّهُمَّ إِنَّا
نَسْأَلُكَ الْعَفْوَ وَالْعَافِيَةَ فِي دِينِنَا وَدُنْيَانَا وَأَهْلِنَا وَمَالِنَا ،
اللَّهُمَّ اسْتُرْ عَوْرَاتِنَا وَآمِنْ رَوْعَاتِنَا ، اللَّهُمَّ احْفَظْنَا مِنْ
بَيْنِ أَيْدِينَا وَمِنْ خَلْفِنَا وَعَنْ أَيْمَانِنَا وَعَنْ شَمَائِلِنَا وَمِنْ
فَوْقِنَا ، وَنَعُوذُ بِعَظَمَتِكَ أَنْ نُغْتَالَ مِنْ تَحْتِنَا

Maksudnya: “Ya Allah, sesungguhnya kami memohon pada-Mu keampunan dan keselamatan (‘afiyat) di dunia dan akhirat. Ya Allah, sesungguhnya kami memohon pada-Mu keampunan dan keselamatan (‘afiyat) dalam agama, dunia, keluarga dan harta kami. Ya Allah, tutupilah aib kami dan berilah ketenteraman di hati kami. Ya Allah, jagalah kami dari depan, belakang, kanan, kiri, dan atas kami. Kami memohon perlindungan dengan keagungan-Mu agar tidak disambar dari bawah kami.”



Doa 13

Doa Keampunan

اللَّهُمَّ إِنَّكَ عَفُوٌّ، تُحِبُّ الْعَفْوَ، فَاعْفُ عَنِّي

Maksudnya: “Ya Allah sesungguhnya Engkau Maha Pengampun dan suka memberi keampunan, maka ampunilah aku.”¹³

Riwayat al-Tirmizi (3513), Ibn Majah (3850), Ahmad (25384), al-Nasa’ie dalam al-Sunan al-Kubra (7665) dan al-Baihaqi dalam Syu’ab al-Iman (3427)

Bacaan untuk jemaah:

اللَّهُمَّ إِنَّكَ عَفُوٌّ، تُحِبُّ الْعَفْوَ، فَاعْفُ عَنَّا

Maksudnya: “Ya Allah sesungguhnya Engkau Maha Pengampun dan suka memberi keampunan, maka ampunilah kami.”



Doa 14

Agar Diperbaiki Diri

يَا حَيُّ يَا قَيُّوْمُ بِرَحْمَتِكَ أَسْتَغِيْثُ ، أَصْلَحْ لِيْ شَأْنِيْ كُلَّهُ وَلَا
تَكِلْنِيْ إِلَى نَفْسِيْ طَرْفَةَ عَيْنٍ

Maksudnya: “Wahai Tuhan Yang Maha Hidup, wahai Tuhan Yang Maha Berdiri Sendiri (tidak perlu segala sesuatu), dengan rahmat-Mu aku memohon pertolongan, perbaikilah urusanku semuanya dan janganlah Engkau serahkan aku kepada diriku sendiri walau sekelip mata.”¹⁴

Riwayat al-Nasa’ie dalam *al-Sunan al-Kubra* (10405), al-Bazzar (6368), Ibn al-Sunni dalam *‘Amal al-Yaum wa al-Lailah* (48) dan al-Tabarani dalam *al-Mu’jam al-Awsat* (4/43)

Bacaan untuk jemaah:

يَا حَيُّ يَا قَيُّوْمُ بِرَحْمَتِكَ نَسْتَغِيْثُ ، أَصْلَحْ لَنَا شَأْنَنَا كُلَّهُ،
وَلَا تَكِلْنَا إِلَى أَنْفُسِنَا طَرْفَةَ عَيْنٍ

Maksudnya: “Wahai Tuhan Yang Maha Hidup, wahai Tuhan Yang Maha Berdiri Sendiri (tidak perlu segala sesuatu), dengan rahmat-Mu kami memohon pertolongan, perbaikilah urusan kami semuanya dan janganlah Engkau serahkan kami kepada diri kami walau sekelip mata.”

Doa 15

Minta Kemudahan

اللَّهُمَّ لَا سَهْلَ إِلَّا مَا جَعَلْتَهُ سَهْلًا، وَأَنْتَ تَجْعَلُ الْحَزْنَ إِذَا شِئْتَ سَهْلًا

Maksudnya: “Ya Allah! Tiada kemudahan kecuali apa yang Engkau jadikannya sebagai kemudahan. Dan Engkaulah yang menjadikan perkara yang sukar itu jika Engkau kehendaki dengan kemudahan.”¹⁵

Riwayat al-Baihaqi dalam *al-Da’awat al-Kabir* (265), Ibn Hibban (974) dan Ibn al-Sunni dalam *‘Amal al-Yaum wa al-Lailah* (351)

Doa 16

Dicukupkan Yang Halal

اللَّهُمَّ اكْفِنِي بِحَلَالِكَ عَنْ حَرَامِكَ، وَأَغْنِنِي بِفَضْلِكَ
عَمَّنْ سِوَاكَ

Maksudnya: “Ya Allah, cukupkanlah aku dengan yang halal, tanpa perlu kepada yang haram. Kayakanlah aku dengan kurniaan-Mu, tanpa aku mengharapkan kepada selain-Mu.” ¹⁶

Riwayat Ahmad (1319), al-Tirmizi (3563), al-Baihaqi dalam **al-Da’awat al-Kabir** (177) dan al-Bazzar (563)

Bacaan untuk jemaah:

اللَّهُمَّ اكْفِنَا بِحَلَالِكَ عَنْ حَرَامِكَ،
وَأَغْنِنَا بِفَضْلِكَ عَمَّنْ سِوَاكَ

Maksudnya: “Ya Allah, cukupkanlah kami dengan yang halal, tanpa perlu kepada yang haram. Kayakanlah kami dengan kurniaan-Mu, tanpa kami mengharapkan kepada selain-Mu.”



Doa 17

Ditetapkan Hati

يَا مُقَلِّبَ الْقُلُوبِ، ثَبِّتْ قَلْبِي عَلَى دِينِكَ

Maksudnya: “Wahai Tuhan yang membolak-balikkan hati, tetapkan-lah hatiku di atas agama-Mu.” ¹⁷

Riwayat Imam Ahmad (26618), (12107), al-Tirmizi (3522), (2140), al-Baihaqi dalam **Syu'ab al-Iman** (757) dan al-Tabarani dalam **al-Du'a** (1261)

Bacaan untuk jemaah:

يَا مُقَلِّبَ الْقُلُوبِ، ثَبِّتْ قُلُوبَنَا عَلَى دِينِكَ

Maksudnya: “Wahai Tuhan yang membolak-balikkan hati, tetapkanlah hati kami di atas agama-Mu.”



Doa 18

Minta Kebaikan dan Menolak Kejahatan

اللَّهُمَّ إِنِّي أَسْأَلُكَ مِنَ الْخَيْرِ كُلِّهِ عَاجِلِهِ وَآجِلِهِ ، مَا عَلِمْتُ مِنْهُ وَمَا لَمْ
أَعْلَمْ ، وَأَعُوذُ بِكَ مِنَ الشَّرِّ كُلِّهِ عَاجِلِهِ وَآجِلِهِ ، مَا عَلِمْتُ مِنْهُ وَمَا لَمْ
أَعْلَمْ ، اللَّهُمَّ إِنِّي أَسْأَلُكَ مِنْ خَيْرِ مَا سَأَلَكَ عَبْدُكَ وَنَبِيُّكَ ، وَأَعُوذُ بِكَ
مِنْ شَرِّ مَا عَاذَ بِهِ عَبْدُكَ وَنَبِيُّكَ ، اللَّهُمَّ إِنِّي أَسْأَلُكَ الْجَنَّةَ وَمَا قَرَّبَ
إِلَيْهَا مِنْ قَوْلٍ أَوْ عَمَلٍ ، وَأَعُوذُ بِكَ مِنَ النَّارِ وَمَا قَرَّبَ إِلَيْهَا مِنْ قَوْلٍ
أَوْ عَمَلٍ ، وَأَسْأَلُكَ أَنْ تَجْعَلَ كُلَّ قَضَاءٍ قَضَيْتَهُ لِي خَيْرًا

Maksudnya: “Ya Allah, aku memohon kepada-Mu semua kebaikan yang disegerakan mahupun yang ditunda, serta apa yang aku ketahui mahupun tidak aku ketahui. Aku berlindung kepada-Mu dari semua keburukan, baik yang disegerakan mahupun yang ditunda, yang aku ketahui mahupun yang tidak aku ketahui. Ya Allah, sungguh aku memohon kepada-Mu dari kebaikan apa yang diminta oleh hamba dan Nabi-Mu Muhammad SAW kepada-Mu dan aku berlindung kepada-Mu dari apa yang diminta perlindungan oleh hamba dan nabi-Mu. Ya Allah, aku memohon kepada-Mu syurga dan apa yang mendekatkan kepadanya baik berupa ucapan mahupun perbuatan. Dan aku berlindung kepada-Mu dari neraka dan apa yang mendekatkan kepadanya baik berupa ucapan atau perbuatan. Dan aku memohon kepada-Mu semua takdir yang Engkau tentukan baik untukku.”¹⁸

Riwayat Ibn Majah (3846), Ahmad (25180), al-Tabarani (2/252) dan Ibn Hibban (458)

Bacaan untuk jemaah:

اللَّهُمَّ إِنَّا نَسْأَلُكَ مِنَ الْخَيْرِ كُلِّهِ عَاجِلِهِ وَآجِلِهِ ، مَا عَلِمْنَا مِنْهُ
وَمَا لَمْ نَعْلَمْ ، وَنَعُوذُ بِكَ مِنَ الشَّرِّ كُلِّهِ عَاجِلِهِ وَآجِلِهِ ، مَا عَلِمْنَا
مِنْهُ وَمَا لَمْ نَعْلَمْ ، اللَّهُمَّ إِنَّا نَسْأَلُكَ مِنْ خَيْرِ مَا سَأَلَكَ عَبْدُكَ
وَنَبِيُّكَ ، وَنَعُوذُ بِكَ مِنْ شَرِّ مَا عَاذَ بِهِ عَبْدُكَ وَنَبِيُّكَ ، اللَّهُمَّ إِنَّا
نَسْأَلُكَ الْجَنَّةَ وَمَا قَرَّبَ إِلَيْهَا مِنْ قَوْلٍ أَوْ عَمَلٍ ، وَنَعُوذُ بِكَ مِنَ
النَّارِ وَمَا قَرَّبَ إِلَيْهَا مِنْ قَوْلٍ أَوْ عَمَلٍ ، وَنَسْأَلُكَ أَنْ تَجْعَلَ كُلَّ
قَضَاءٍ قَضَيْتَهُ لَنَا خَيْرًا

Maksudnya: “Ya Allah, kami memohon kepada-Mu semua kebaikan yang disegerakan mahupun yang ditunda, serta apa yang kami ketahui mahupun tidak kami ketahui. Kami berlindung kepada-Mu daripada semua keburukan, baik yang disegerakan mahupun yang ditunda, serta yang kami ketahui mahupun yang tidak kami ketahui. Ya Allah, sungguh kami memohon kepada-Mu dari kebaikan apa yang diminta oleh hamba dan Nabi-Mu Muhammad SAW kepada-Mu dan kami berlindung kepada-Mu dari apa yang diminta perlindungan oleh hamba dan nabi-Mu. Ya Allah, kami memohon kepada-Mu syurga dan apa yang mendekatkan kepadanya baik berupa ucapan mahupun perbuatan. Dan kami berlindung kepada-Mu dari neraka dan apa yang mendekatkan kepadanya baik berupa ucapan atau perbuatan. Dan kami memohon kepada-Mu semua takdir yang Engkau tentukan baik untuk kami.”



Doa 19

Ditambahkan Kebaikan

اللَّهُمَّ زِدْنَا وَلَا تَنْقُصْنَا، وَأَكْرِمْ مَنَا وَلَا تُهِنَّا، وَأَعْظِمْنَا وَلَا تَحْرِمْنَا،
وَأَثِّرْنَا وَلَا تُؤْثِرْ عَلَيْنَا، وَارْضِنَا وَارْضَ عَنَّا

Maksudnya: “Wahai Allah! Tambahkanlah buat kami dan jangan Engkau kurangkan. Muliaikanlah kami, jangan hinakan kami. Berilah buat kami, jangan dicegahnya. Pilihlah kami, jangan Engkau biarkan dan redhailah kami dan redhailah pula semua usaha kami.”¹⁹

Riwayat al-Tirmizi (3173), al-Nasa’ie dalam *al-Sunan al-Kubra* (1443) dan Ahmad (223)



Doa 20

Diilhamkan Kecerdasan

اللَّهُمَّ اهْدِنِي رُشْدِي، وَأَعِزَّنِي مِنْ شَرِّ نَفْسِي

Maksudnya: “Wahai Allah! Ilhamkanlah kepadaku kecerdasan dan petunjuk serta lindungilah aku daripada kejahatan nafsuku.”²⁰

Riwayat al-Tirmizi (3483), al-Tabarani dalam *al-Du'a* (1393), al-Bazzar (3580) dan al-Baihaqi dalam *al-Asma' wa al-Sifat* (894)

Bacaan untuk jemaah:

اللَّهُمَّ اهْدِنَا رُشْدَنَا، وَأَعِزَّنَا مِنْ شَرِّ أَنْفُسِنَا

Maksudnya: “Wahai Allah! Ilhamkanlah kepada kami kecerdasan dan petunjuk serta lindungilah kami daripada kejahatan nafsu kami.”



Doa 21

Penghujung Umur Yang Baik

اللَّهُمَّ اجْعَلْ خَيْرَ عُمْرِي آخِرَهُ، وَخَيْرَ عَمَلِي خَوَاتِمَهُ، وَاجْعَلْ
خَيْرَ أَيَّامِي يَوْمَ الْلِقَاءِ

Maksudnya: “Ya Allah! Jadikanlah sebaik-baik umurku adalah pada penghujungnya, dan sebaik-baik amalanku sebagai penutupnya. Dan jadikanlah sebaik-baik hariku, adalah hari dimana daku berjumpa dengan-Mu kelak.” ²¹

Riwayat Ibn al-Sunni dalam ‘*Amal al-Yaum wa al-Lailah* (121) dan al-Tabarani dalam *al-Ausat* (9411)

Bacaan untuk jemaah:

اللَّهُمَّ اجْعَلْ خَيْرَ أَعْمَارِنَا أَوَاخِرَهَا، وَخَيْرَ أَعْمَالِنَا
خَوَاتِمَهَا، وَاجْعَلْ خَيْرَ أَيَّامِنَا يَوْمَ نَلْقَاكَ

Maksudnya: “Ya Allah! Jadikanlah sebaik-baik umur kami adalah pada penghujungnya, dan sebaik-baik amalan kami sebagai penutupnya. Dan jadikanlah sebaik-baik hari kami, adalah hari dimana kami berjumpa dengan-Mu kelak.”



Doa 22

Elok Dalam Kesudahan Urusan

اللَّهُمَّ أَحْسِنْ عَاقِبَتَنَا فِي الْأُمُورِ كُلِّهَا ، وَأَجِرْنَا مِنْ خِزْيِ
الدُّنْيَا وَعَذَابِ الْآخِرَةِ

Maksudnya: “Wahai Allah! Perelokkanlah kesudahan segala urusan kami, serta lindungilah kami daripada kenistaan hidup di dunia dan seksaan hidup di akhirat.” ²²

Riwayat Ahmad (17628), al-Tabarani dalam *al-Du'a* (1436), al-Baihaqi dalam *al-Da'awat al-Kabir* (269) dan al-Hakim dalam *al-Mustadrak* (6508)


Doa 23

Mohon Keselamatan

بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ فِي الْأَرْضِ وَلَا فِي السَّمَاءِ، وَهُوَ السَّمِيعُ الْعَلِيمُ

Maksudnya: “Dengan nama Allah yang dengan nama-Nya, tidak ada satu pun yang dapat memberi kemudahan di bumi mahupun di langit. Dia-lah Yang Maha Mendengar lagi Maha Mengetahui.” ²³

Riwayat Abu Daud (5088), al-Tirmizi (3388), Ibn Majah (3869), al-Nasa’ie dalam *al-Sunan al-Kubra* (10178) dan Ahmad (446)



Doa 24

Diselamatkan dari Azab

اللَّهُمَّ إِنِّي أَعُوذُ بِكَ مِنْ عَذَابِ الْقَبْرِ ، وَمِنْ عَذَابِ النَّارِ ،
وَمِنْ فِتْنَةِ الْمَحْيَا وَالْمَمَاتِ ، وَمِنْ فِتْنَةِ الْمَسِيحِ الدَّجَالِ

Maksudnya: “Ya Allah, sesungguhnya aku berlindung kepada-Mu daripada seksa kubur, daripada azab api neraka, daripada fitnah kehidupan dan kematian, dan daripada fitnah al-Masih al-Dajjal.”²⁴

Riwayat al-Bukhari (1377)
dan Muslim (1352)

Bacaan untuk jemaah:



اللَّهُمَّ إِنَّا نَعُوذُ بِكَ مِنْ عَذَابِ الْقَبْرِ ، وَمِنْ
عَذَابِ النَّارِ ، وَمِنْ فِتْنَةِ الْمَحْيَا وَالْمَمَاتِ ،
وَمِنْ فِتْنَةِ الْمَسِيحِ الدَّجَالِ

Maksudnya: “Ya Allah, sesungguhnya kami berlindung kepada-Mu daripada seksa kubur, daripada azab api neraka, daripada fitnah kehidupan dan kematian, dan daripada fitnah al-Masih al-Dajjal.”

Doa 25

Berlindung dari Kejahatan

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

Maksudnya: “Aku berlindung dengan kalimat Allah yang sempurna daripada segala keburukan yang Dia ciptakan.”²⁵

Riwayat Muslim (2709), Abu Daud (3899), al-Tirmizi (3604), al-Nasa’ie dalam *al-Sunan al-Kubra* (10421), Ibn Majah (3518) dan Ahmad (7898)

Bacaan untuk jemaah:

نَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

Maksudnya: “Kami berlindung dengan kalimat Allah yang sempurna daripada segala keburukan yang Dia ciptakan.”



Doa 26

Berlindung dari Empat Perkara

اللَّهُمَّ إِنِّي أَعُوذُ بِكَ مِنْ عِلْمٍ لَا يَنْفَعُ ، وَمِنْ قَلْبٍ لَا يَخْشَعُ ،
وَمِنْ نَفْسٍ لَا تَشْبَعُ ، وَمِنْ دَعْوَةٍ لَا يُسْتَجَابُ لَهَا

Maksudnya: “Ya Allah! Aku berlindung dengan-Mu daripada ilmu yang tidak bermanfaat, daripada hati yang tidak khusyuk, daripada nafsu yang tidak puas, dan daripada doa yang tidak diterima.”²⁶

Riwayat Muslim (7081), Abu Daud (1458), al-Tirmizi (3482), al-Nasa’ie (5536), Ibn Majah (3837) Ahmad (19402) dan Ibn Hibban (1015)

Bacaan untuk jemaah:

اللَّهُمَّ إِنَّا نَعُوذُ بِكَ مِنْ عِلْمٍ لَا يَنْفَعُ ، وَمِنْ قَلْبٍ لَا يَخْشَعُ ،
وَمِنْ نَفْسٍ لَا تَشْبَعُ ، وَمِنْ دَعْوَةٍ لَا يُسْتَجَابُ لَهَا

Maksudnya: “Ya Allah! Kami berlindung dengan-Mu daripada ilmu yang tidak bermanfaat, daripada hati yang tidak khusyuk, daripada nafsu yang tidak puas, dan daripada doa yang tidak diterima.”

Doa 27

Berlindung dari Penyakit Kronik

اللَّهُمَّ إِنِّي أَعُوذُ بِكَ مِنَ الْبَرَصِ، وَالْجُنُونِ، وَالْجُذَامِ،
وَمِنْ سَيِّئِ الْأَسْقَامِ


Maksudnya: “Ya Allah, aku berlindung dengan-Mu daripada penyakit sopak, gila, kusta dan penyakit-penyakit yang buruk.”²⁷

Riwayat Abu Daud (1554), Ahmad (13027),
al-Nasa’ie (5493) dan Abu Ya’la (2897)

Bacaan untuk jemaah:

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ،
وَالْجُذَامِ، وَمِنْ سَيِّئِ الْأَسْقَامِ

Maksudnya: “Ya Allah, kami berlindung dengan-Mu daripada penyakit sopak, gila, kusta dan penyakit-penyakit yang buruk.”



Doa 28

Diselamatkan dari Kemungkaran

اللَّهُمَّ جَنِّبْنِي مُنْكَرَاتِ الْأَخْلَاقِ ، وَالْأَهْوَاءِ ، وَالْأَسْوَاءِ
وَالْأَذْوَاءِ

Maksudnya: “Ya Allah, jauhkanlah aku daripada akhlak yang mungkar, hawa nafsu, juga dari segala keburukan serta dari penyakit-penyakit yang membawa kepada kebinasaan.”²⁸

Riwayat al-Tirmizi (3591), Ibn Hibban (960), al-Tabarani (19/19) dan al-Bazzar (9/155)

Bacaan untuk jemaah:

اللَّهُمَّ جَنِّبْنَا مُنْكَرَاتِ الْأَخْلَاقِ ، وَالْأَهْوَاءِ ، وَالْأَسْوَاءِ
وَالْأَذْوَاءِ

Maksudnya: “Ya Allah, jauhkanlah kami daripada akhlak yang mungkar, hawa nafsu, juga dari segala keburukan serta dari penyakit-penyakit yang membawa kepada kebinasaan.”



Doa 29

Menolak Bala

اللَّهُمَّ إِنِّي أَعُوذُ بِكَ مِنْ جَهْدِ الْبَلَاءِ ، وَدَرَكِ الشَّقَاءِ ،
وَسُوءِ الْقَضَاءِ ، وَشَمَاتَةِ الْأَعْدَاءِ

Maksudnya: “Wahai Allah! Aku berlindung kepada-Mu daripada ujian yang berat, hinanya kecelakaan, buruknya takdir dan celaan para musuh (atas bala, ujian dan kecelakaan yang menimpa).”²⁹

Riwayat al-Bukhari (6347)
dan Muslim (2707)

Bacaan untuk jemaah:

اللَّهُمَّ إِنَّا نَعُوذُ بِكَ مِنْ جَهْدِ الْبَلَاءِ ، وَدَرَكِ الشَّقَاءِ ،
وَسُوءِ الْقَضَاءِ ، وَشَمَاتَةِ الْأَعْدَاءِ

Maksudnya: “Wahai Allah! Kami berlindung kepada-Mu daripada ujian yang berat, hinanya kecelakaan, buruknya takdir dan celaan para musuh (atas bala, ujian dan kecelakaan yang menimpa).”



Doa 30

Agar Tidak Dihilangkan Nikmat

اللَّهُمَّ إِنِّي أَعُوذُ بِكَ مِنْ زَوَالِ نِعْمَتِكَ، وَتَحَوُّلِ عَافِيَتِكَ،
وَفُجَاءَةِ نِقْمَتِكَ، وَجَمِيعِ سَخَطِكَ

Maksudnya: “Ya Allah, sesungguhnya aku berlindung kepada-Mu daripada hilangnya kenikmatan yang telah Engkau berikan, daripada berubahnya kesihatan yang telah Engkau anugerahkan, daripada seksa-Mu (bencana) yang datang secara tiba-tiba, dan daripada segala bentuk kemurkaan-Mu.”³⁰

Riwayat Muslim (2739) dan
Abu Daud (1545)

Bacaan untuk jemaah:

اللَّهُمَّ إِنَّا نَعُوذُ بِكَ مِنْ زَوَالِ نِعْمَتِكَ، وَتَحَوُّلِ عَافِيَتِكَ،
وَفُجَاءَةِ نِقْمَتِكَ، وَجَمِيعِ سَخَطِكَ

Maksudnya: “Ya Allah, sesungguhnya kami berlindung kepada-Mu daripada hilangnya kenikmatan yang telah Engkau berikan, daripada berubahnya kesihatan yang telah Engkau anugerahkan, daripada seksa-Mu (bencana) yang datang secara tiba-tiba, dan daripada segala bentuk kemurkaan-Mu.”

Doa 31

Mohon Kurniaan & Rahmat-Nya

اللَّهُمَّ إِنِّي أَسْأَلُكَ مِنْ فَضْلِكَ وَرَحْمَتِكَ ، فَإِنَّهُ لَا يَمْلِكُهَا إِلَّا أَنْتَ

Maksudnya: “Ya Allah, sesungguhnya aku memohon kepada-Mu agar diberi kurniaan dan rahmat-Mu. Sesungguhnya tiada yang memilikinya kecuali-Mu.” ³¹

Riwayat al-Tabarani dalam *al-Mu'jam al-Kabir* (10379) dan Abu Nu'aim dalam *Hilyah al-Auliya'* (7/280). Hadith ini dihukumkan sebagai sahih oleh pengarang kitab *al-Silsilah al-Sahihah*.

Bacaan untuk jemaah:

اللَّهُمَّ إِنَّا نَسْأَلُكَ مِنْ فَضْلِكَ وَرَحْمَتِكَ ، فَإِنَّهُ لَا يَمْلِكُهَا إِلَّا أَنْتَ

Maksudnya: “Ya Allah, sesungguhnya kami memohon kepada-Mu agar diberi kurniaan dan rahmat-Mu. Sesungguhnya tiada yang memilikinya kecuali-Mu.”



Doa 32

Berlindung dari Dukacita

اللَّهُمَّ إِنِّي أَعُوذُ بِكَ مِنَ الْهَمِّ وَالْحَزَنِ، وَأَعُوذُ بِكَ مِنَ
الْعَجْزِ وَالْكَسَلِ، وَأَعُوذُ بِكَ مِنَ الْجُبْنِ وَالْبُخْلِ،
وَأَعُوذُ بِكَ مِنْ غَلَبَةِ الدَّيْنِ وَقَهْرِ الرِّجَالِ

Maksudnya: “Ya Allah, sesungguhnya aku berlindung kepada-Mu daripada kedukaan dan kesedihan. Aku berlindung kepada-Mu daripada sifat lemah dan malas. Aku berlindung kepada-Mu daripada sifat pengecut dan kedekut. Dan aku berlindung kepada-Mu daripada bebanan hutang dan penindasan manusia.” ³²

Riwayat al-Bukhari (6369), Abu Daud (1555), al-Tirmizi (3484), al-Nasa’ie (5449) dan al-Baihaqi dalam **al-Da’awat al-Kabir** (305)

Bacaan untuk jemaah:

اللَّهُمَّ إِنَّا نَعُوذُ بِكَ مِنَ الْهَمِّ وَالْحَزَنِ ، وَنَعُوذُ بِكَ مِنَ
الْعَجْزِ وَالْكَسَلِ ، وَنَعُوذُ بِكَ مِنَ الْجُبْنِ وَالْبُخْلِ ، وَنَعُوذُ
بِكَ مِنْ غَلَبَةِ الدَّيْنِ وَقَهْرِ الرِّجَالِ

Maksudnya: “Ya Allah, sesungguhnya kami berlindung kepada-Mu daripada kedukaan dan kesedihan. Kami berlindung kepada-Mu daripada sifat lemah dan malas. Kami berlindung kepada-Mu daripada sifat pengecut dan kedekut. Dan kami berlindung kepada-Mu daripada bebanan hutang dan penindasan manusia.”



Doa 33

Kesabaran dan Keteguhan

رَبَّنَا أَفْرِغْ عَلَيْنَا صَبْرًا وَثَبِّتْ أَقْدَامَنَا وَانصُرْنَا عَلَى
الْقَوْمِ الْكَافِرِينَ

Maksudnya: “Wahai Tuhan kami! Limpahkanlah sabar kepada kami, dan teguhkanlah tapak pendirian kami serta menangkanlah kami terhadap kaum yang kafir.”³³

Surah al-Baqarah (250)



Doa 34

Mohon Bersyukur

رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ
وَعَلَىٰ وَالِدَيَّ وَأَنْ أَعْمَلَ صَالِحًا تَرْضَاهُ وَأَدْخِلْنِي
بِرَحْمَتِكَ فِي عِبَادِكَ الصَّالِحِينَ

Maksudnya: “Wahai Tuhanku, ilhamkanlah daku supaya tetap bersyukur akan nikmat-Mu yang Engkau kurniakan kepadaku dan kepada ibu bapakku, dan supaya aku tetap mengerjakan amal soleh yang Engkau redai; dan masukkanlah daku - dengan limpah rahmat-Mu - dalam kumpulan hamba-hamba-Mu yang soleh.” ³⁴

Surah al-Naml (19)



Doa 35

Mohon Hidayah

رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ
رَحْمَةً إِنَّكَ أَنْتَ الْوَهَّابُ

Maksudnya: “Wahai Tuhan kami! Janganlah Engkau memesongkan hati kami sesudah Engkau beri petunjuk kepada kami, dan kurniakanlah kepada kami limpah rahmat daripada sisi-Mu; sesungguhnya Engkau jualah Tuhan Yang melimpah-limpah pemberian-Nya.”³⁵

Surah Ali Imran (8)




Doa 36

Mohon Rahmat

رَبَّنَا آتِنَا مِنْ لَدُنْكَ رَحْمَةً وَهَيِّئْ لَنَا مِنْ أَمْرِنَا رَشَدًا

Maksudnya: “Wahai Tuhan kami! Kurniakanlah kami rahmat dari sisi-Mu, dan berilah kemudahan serta pimpinan kepada kami untuk keselamatan agama kami.” ³⁶

Surah al-Kahfi (10)



Gua Ashabul Kahfi, Jordan.

Doa 37

Keampunan dan Doa Saudara

رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ
فِي قُلُوبِنَا غِلًّا لِلَّذِينَ آمَنُوا رَبَّنَا إِنَّكَ رَءُوفٌ رَحِيمٌ

Maksudnya: “Wahai Tuhan Kami! Ampunkanlah dosa kami dan dosa saudara-saudara kami yang mendahului kami dalam iman, dan janganlah Engkau jadikan dalam hati kami perasaan hasad dengki dan dendam terhadap orang-orang yang beriman. Wahai Tuhan kami! Sesungguhnya Engkau Amat Melimpah Belas kasihan dan RahmatMu.” ³⁷

Surah al-Hasyr (10)



Doa 38

Membina Keluarga Bahagia

PERTAMA : Menyerah Kepada-Nya

رَبِّ إِنِّي لَمَّا أَنْزَلْتَ إِلَيَّ مِنْ خَيْرٍ فَقِيرٌ

Maksudnya: "Wahai Tuhanku, sesungguhnya aku sangat berhajat kepada sebarang rezeki pemberian yang Engkau berikan." ³⁸

Surah al-Qasas (24)

KEDUA : Doa Untuk Pengantin

بَارَكَ اللَّهُ لَكَ، وَبَارَكَ عَلَيْكَ، وَجَمَعَ بَيْنَكُمَا فِي خَيْرٍ

Maksudnya: "Semoga Allah memberkatimu ketika bahagia dan ketika susah, serta menghimpunkan kamu berdua dalam kebaikan." ³⁹

Riwayat Abu Daud (2130), al-Tirmizi (1091), Ahmad (8957), al-Nasa'i dalam al-Sunan al-Kubra (10089), al-Baihaqi dalam al-Sunan al-Kubra (14214); al-Da'awat al-Kabir (495), dan al-Hakim dalam al-Mustadrak (2745). Al-Hafiz Abu Tahir menyatakan bahawa sanad hadis ini sahih.



KETIGA : Memohon Zuriat Solehah

رَبِّ هَبْ لِي مِنَ الصَّالِحِينَ

Maksudnya: “Wahai Tuhanku! Kurniakanlah kepadaku anak yang terhitung dari orang-orang yang soleh!” ⁴⁰

Surah al-Saffat (100)

KEEMPAT : Doa Kelahiran Anak

بَارَكَ اللَّهُ لَكَ فِي الْمَوْهُوبِ لَكَ، وَشَكَرْتَ الْوَاهِبَ،
وَبَلَغَ أَشُدَّهُ، وَرَزَقْتَ بَرَّهُ

Maksudnya: “Semoga Allah memberkatimu dengan anugerah yang dikurniakan kepadamu, agar engkau mensyukuri Yang Maha Pemberi, semoga anak ini membesar sampai ke peringkat dewasa yang sempurna kekuatannya, dan agar engkau direzekikan dengan anak itu berbuat baik kepada ibu bapanya.” ⁴¹

KELIMA : Doa Diberkati

اللَّهُمَّ أَكْثِرْ مَالِي، وَوَلَدِي، وَبَارِكْ لِي فِيمَا أَعْطَيْتَنِي، وَأَطِلْ
حَيَاتِي عَلَى طَاعَتِكَ، وَأَحْسِنْ عَمَلِي، وَاغْفِرْ لِي

Maksudnya: “Ya Allah, perbanyaklah harta dan anakku serta berkatilah kurniaanyang Engkau berikan padaku. Panjangkanlah umurku dalam ketaatan pada-Mu dan baikkkanlah amalku serta ampunilah dosa-dosaku.”⁴²

Riwayat al-Bukhari (6344) dan Muslim (2481) daripada Anas pada lafaz ‘وَلَدُهُ، وَبَارِكْ لَهُ فِيمَا’ ‘أَعْطَيْتَهُ’. Manakala lafaz ‘وَأَطِلْ حَيَاتَهُ وَاغْفِرْ لَهُ’ diriwayatkan oleh al-Bukhari dalam al-Adab al-Mufrad (653), Ibn Sa’ad dalam al-Tabaqat al-Kubra (8451) dan Abu Ya’la (4236).

Bacaan untuk jemaah:

اللَّهُمَّ أَكْثِرْ أَمْوَالَنَا، وَأَوْلَادَنَا، وَبَارِكْ لَنَا فِيمَا أَعْطَيْتَنَا،
وَأَطِلْ حَيَاتَنَا عَلَى طَاعَتِكَ، وَأَحْسِنْ أَعْمَالَنَا، وَاغْفِرْ لَنَا

Maksudnya: “Ya Allah, perbanyaklah harta dan anak kami serta berkatilah kurniaan yang Engkau berikan pada kami. Panjangkanlah umur kami dalam ketaatan pada-Mu dan baikkkanlah amal kami serta ampunilah dosa-dosa kami.”

KEENAM : Doa Agar Mendapat Keluarga yang Soleh

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا

Maksudnya: “Wahai Tuhan kami, berilah kami beroleh dari isteri-isteri dan zuriat keturunan kami: perkara-perkara yang menyukakan hati melihatnya, dan jadikanlah kami imam ikutan bagi orang-orang yang (mahu) bertaqwa.”⁴³

Surah al-Furqan (74)



Doa 39

Pemimpin dan Kepimpinan yang Baik

Untuk doa ini, kami rangkumkan semua sekali, yang telah kami siarkan dalam Qalam Mufti pada 29 Februari 2020 pada saat berlakunya kemelut politik. Antaranya:

PERTAMA : Mohon Dilantik Mereka yang Terbaik

اللَّهُمَّ وَلِّ أُمُورَنَا خَيْرَانَا ، وَلَا تُؤَلِّ أُمُورَنَا شَرَارَنَا

Maksudnya: “Ya Allah! Lantiklah untuk urusan kami (pemerintahan) orang-orang yang terbaik di kalangan kami. Janganlah Engkau lantik untuk urusan kami orang-orang yang terburuk di kalangan kami.” (Lihat *Ibtihalat wa Da'awat* oleh Dr Yusuf al-Qaradhawi, hlm. 68)

KEDUA : Mohon Dilantik Orang yang Bertakwa

اللَّهُمَّ اجْعَلْ وَلَايَتَنَا فِيْمَنْ خَافَكَ وَاتَّقَاكَ يَا رَبَّ الْعَالَمِينَ

Maksudnya: “Ya Allah! Jadikanlah kuasa wilayah kami pada orang yang takut kepada-Mu dan bertakwa kepada-Mu, wahai Tuhan yang memelihara dan mentadbirkan sekalian alam.” (Lihat *Nafahat al-Minbar al-Makki*, 1/137)

**KETIGA: Mohon Dijauhkan daripada Orang
yang Tidak Merahmati**

اللَّهُمَّ لَا تُسَلِّطْ عَلَيْنَا بِذُنُوبِنَا مَنْ لَا يَخَافُكَ فِينَا وَلَا يَرْحَمُنَا

Maksudnya: “Ya Allah! Janganlah Engkau jadikan pemimpin kami – disebabkan dosa-dosa kami – orang yang tidak takut kepada-Mu dan tidak mempunyai belas kasihan kepada kami.”
(Lihat al *Mustadrak ‘ala Majmu’ Fatawa*, 3/108)



KEEMPAT: Mohon Dijauhkan daripada Pembantu yang Jahat

اللَّهُمَّ أَبْعِدْ عَنْهُمْ بَطَانَةَ الشُّوْءِ وَالْمُفْسِدِينَ ، وَقَرِّبْ إِلَيْهِمْ أَهْلَ الْخَيْرِ وَالنَّاصِحِينَ يَا رَبَّ الْعَالَمِينَ

Maksudnya: “Ya Allah! Jauhkanlah daripada mereka (para pemimpin kami) teman rapat yang jahat dan yang merosakkan. Dekatkanlah kepada mereka orang-orang yang baik dan pemberi nasihat yang baik, wahai Tuhan yang memelihara dan mentadbir sekalian alam.”*

* Terdapat doa yang hampir sama sepertimana doa di atas. (Lihat *Mu'amalah al-Hukkam fi Dhau' al-Kitab wa al-Sunnah*, hlm. 109)

KELIMA: Mohon Ditunjukkan Kebenaran

اللَّهُمَّ أَرِنَا الْحَقَّ حَقًّا، وَارْزُقْنَا اتِّبَاعَهُ، وَأَرِنَا الْبَاطِلَ بَاطِلًا، وَارْزُقْنَا اجْتِنَابَهُ، وَلَا تَجْعَلْهُ مُلْتَبَسًا عَلَيْنَا فَضِلَّ، وَاجْعَلْنَا لِلْمُتَّقِينَ إِمَامًا

Maksudnya: “Ya Allah, tunjukkanlah kepada kami kebenaran itu sebagai kebenaran, dan rezekikanlah kepada kami untuk mengikutinya. Dan tunjukkanlah kepada kami kebatilan itu sebagai kebatilan dan rezekikanlah kepada kami untuk menjauhinya, dan jangan jadikannya terkeliru atas kami sehingga kami sesat. Dan jadikanlah kami sebagai pemimpin bagi orang yang bertaqwa. (Lihat *Tafsir Ibn Kathir*, 3/75)

Doa 40

Kebaikan Dunia dan Akhirat

رَبَّنَا آتِنَا فِي الدُّنْيَا حَسَنَةً ، وَفِي الْآخِرَةِ حَسَنَةً ، وَقِنَا
عَذَابَ النَّارِ

Maksudnya: “Wahai Tuhan kami, berilah kami kebaikan di dunia dan kebaikan di akhirat, dan peliharalah kami dari azab neraka.” ⁴⁴

Surah al-Baqarah (201)

سُبْحَانَ رَبِّكَ رَبِّ الْعِزَّةِ عَمَّا يَصِفُونَ ﴿١٨٠﴾ وَسَلَامٌ عَلَى
الْمُرْسَلِينَ ﴿١٨١﴾ وَالْحَمْدُ لِلَّهِ رَبِّ الْعَالَمِينَ

Maksudnya: “Akuilah kesucian Tuhanmu, - Tuhan yang mempunyai keagungan dan kekuasaan, - daripada apa yang mereka katakan! Dan (ucaplah) salam sejahtera kepada sekalian Rasul. Serta ingatlah bahawa segala puji tertentu bagi Allah, Tuhan yang memelihara dan mentadbir seluruh alam.”

Surah al-Saffat (180-182)



NOTA HUJUNG

1. Doa ini berdasarkan kepada hadits yang diriwayatkan oleh Abd al-Rahman bin Abza. Beliau berkata bahawa Rasulullah SAW membaca doa ini ketika pagi dan petang. Katanya:

أَنَّهُ كَانَ يَقُولُ إِذَا أَصْبَحَ وَإِذَا أَمْسَى : أَصْبَحْنَا عَلَى فِطْرَةِ الْإِسْلَامِ وَعَلَى
كَلِمَةِ الْإِخْلَاصِ وَعَلَى دِينِ نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ وَعَلَى مِلَّةِ آبَائِنَا
إِبْرَاهِيمَ حَنِيفًا وَمَا كَانَ مِنَ الْمُشْرِكِينَ

Maksudnya: Bahawasanya Nabi SAW membaca ketika pagi dan petang:

أَصْبَحْنَا عَلَى فِطْرَةِ الْإِسْلَامِ وَعَلَى كَلِمَةِ الْإِخْلَاصِ وَعَلَى دِينِ نَبِيِّنَا مُحَمَّدٍ
صَلَّى اللَّهُ عَلَيْهِ وَسَلَّمَ وَعَلَى مِلَّةِ آبَائِنَا إِبْرَاهِيمَ حَنِيفًا وَمَا كَانَ مِنَ الْمُشْرِكِينَ

Riwayat Ahmad (14938) Syeikh Syu'aib al-Arna'uth menyatakan bahawa sanad hadits ini sahih sesuai dengan syarat al-Bukhari dan Muslim.

Dalam riwayat yang lain, juga daripada Abd al-Rahman bin Abza, daripada Ubay bin Ka'ab R.A, katanya:

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُعَلِّمُنَا إِذَا أَصْبَحْنَا : (أَصْبَحْنَا عَلَى فِطْرَةِ
الْإِسْلَامِ وَكَلِمَةِ الْإِخْلَاصِ وَسُنَّةِ نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ وَمِلَّةِ آبَائِنَا
إِبْرَاهِيمَ حَنِيفًا مُسْلِمًا وَمَا كَانَ مِنَ الْمُشْرِكِينَ) وَإِذَا أَمْسَيْنَا مِثْلَ ذَلِكَ .

Maksudnya: Adalah Rasulullah SAW mengajarkan kepada kami (untuk membaca) ketika pagi:

أَصْبَحْنَا عَلَى فِطْرَةِ الْإِسْلَامِ وَكَلِمَةِ الْإِخْلَاصِ وَسُنَّةِ نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ وَمِلَّةَ آبَائِنَا إِبْرَاهِيمَ حَنِيفًا مُسْلِمًا وَمَا كَانَ مِنْ الْمُشْرِكِينَ

Dan ketika petang hari juga (membaca demikian).

Riwayat al-Tabarani dalam **al-Du'a** (293)

Menurut Ibn Manzur, salah satu makna الفطرة adalah الإبتداء والإختراع mengawali dan menciptakan. Dengan demikian perkataan الفطرة boleh bermakna asal kejadian, atau penciptaan sejak lahir.

Al-Jurjani pula menjelaskan:

الفطرة : الجبلة المتهيئة لقبول الدين

Maksudnya: **Fitrah** ialah potensi dasar yang dipersiapkan untuk menerima agama. (Lihat **al-Ta'rifat**, 1/215)

Ungkapan أَصْبَحْنَا عَلَى فِطْرَةِ الْإِسْلَامِ menurut al-Azizi bermaksud kita berada pada agama Islam yang mutlaq benar. (Lihat **al-Siraj al-Munir**, 3/126)

Manakala berkenaan ungkapan di atas kalimat *ikhlas*, Mujahid berpendapat bahawa kalimat *Ikhlas* ialah لا إله إلا الله (tiada Tuhan selain Allah). (Lihat **Tafsir Mujahid**, 2/476). Imam al-Munawi pula menyatakan kalimat *ikhlas* ialah kalimat syahadat. (Lihat **Faidh al-Qadir**, 5/105)

2. Doa ini berdasarkan hadith riwayat Syaddad bin Aus R.A, bahawa Nabi SAW bersabda: "Penghulu bagi istighfar adalah dengan kamu mengucapkan:



اللَّهُمَّ أَنْتَ رَبِّي لَا إِلَهَ إِلَّا أَنْتَ خَلَقْتَنِي وَأَنَا عَبْدُكَ وَأَنَا عَلَى عَهْدِكَ وَوَعْدِكَ مَا
اسْتَطَعْتُ أَعُوذُ بِكَ مِنْ شَرِّ مَا صَنَعْتُ أَبُوءُ لَكَ بِنِعْمَتِكَ عَلَيَّ وَأَبُوءُ لَكَ بِذُنُوبِي
فَاغْفِرْ لِي فَإِنَّهُ لَا يَغْفِرُ الذُّنُوبَ إِلَّا أَنْتَ

Nabi SAW seterusnya bersabda:

وَمَنْ قَالَهَا مِنَ النَّهَارِ مُوقِنًا بِهَا فَمَاتَ مِنْ يَوْمِهِ قَبْلَ أَنْ يُمْسِيَ فَهُوَ مِنْ أَهْلِ الْجَنَّةِ ،
وَمَنْ قَالَهَا مِنَ اللَّيْلِ وَهُوَ مُوقِنٌ بِهَا فَمَاتَ قَبْلَ أَنْ يُصْبِحَ فَهُوَ مِنْ أَهْلِ الْجَنَّةِ

Maksudnya: “Sesiapa yang mengucapkannya pada siang hari dalam keadaan yakin dengan isi kandungannya, dia mati sebelum petang, maka dia termasuk daripada kalangan ahli Syurga. Sesiapa yang mengucapkannya pada awal malam dalam keadaan yakin dengan isi kandungannya, dia mati sebelum datangnya pagi, dia termasuk daripada kalangan ahli syurga.”

Riwayat al-Bukhari (6306)

Dalam menjelaskan hadith ini, Ibn Battal dalam *Syarh Sahih al-Bukhari* berkata: ***Al-`Ahd* bermaksud perjanjian yang Allah ambil daripada hamba-hambanya ketika penciptaan mereka yang mula-mula**, semasa Dia mengeluarkan mereka daripada sulbi bapa mereka (Adam) seumpama zarah dan menyaksikan mereka bersaksi atas diri mereka sendiri: “*Bukankah Aku tuhan kamu?*” Mereka semua menjawab: “*Benar (Engkaulah Tuhan kami).*” Maka mereka mengakui ketuhanan Allah ketika mereka berada dalam keadaan asal kejadian, mereka tunduk dan patuh pada sifat *Wahdaniyyah*-Nya.

Manakala *al-wa`d* bermaksud janji Allah Taala kepada mereka bahawa barangsiapa dalam kalangan mereka yang mati dalam keadaan tidak mensyirikkan Allah dengan sesuatu pun, kemudian menunaikan apa yang telah difardukan Allah ke atasnya maka masuklah Syurga. Hendaklah

setiap orang beriman itu berdoa kepada Allah Taala agar mematikannya dalam (memegang kukuh) perjanjian tadi, serta dimatikan dalam iman, supaya dapat mengecapi apa yang telah dijanjikan Allah Taala bagi sesiapa yang mengotakan yang demikian itu, kerana mengikut cara Nabi SAW apabila berdoa untuk perkara itu. Ini juga serupa dengan apa yang diminta oleh para nabi AS dalam doa-doa mereka.” (Lihat **Syarh Sahih al-Bukhari**, 10/76)

Al-Hafiz Ibn Hajar menukilkan perkataan Ibn Jamrah yang menyebut bahawa di dalam hadith ini, Nabi SAW telah menghimpunkan seni makna-makna serta lafaz-lafaz yang indah dan dengan itu melayakkan ia digelar sebagai penghulu segala istighfar. Di samping itu juga, terdapat padanya ikrar kepada Allah yang Esa akan keEsaan-Nya dan juga *Ubudiyah* kepada-Nya (yang hanya berhak disembah).

Tambahan pula, di dalamnya terdapat pengiktirafan (daripada hamba) bahawa Allah adalah Pencipta dan berikrar dengan janji yang diambil oleh Allah ke atasnya. Selain itu, berserah dengan apa yang telah ditetapkan oleh Allah kepadanya serta memohon perlindungan (daripada Allah) dari segala kejahatan yang dilakukan oleh seseorang hamba itu terhadap dirinya.

Di dalamnya juga terdapat sandaran kesenangan kepada Penciptanya dan juga sandaran dosa kepada diri pelakunya serta keinginannya untuk memohon ampun dan pengiktirafan akan dosa yang telah dilakukannya bahawa tiada yang mampu untuk mengampunkan dosa-dosa tersebut melainkan Allah SWT. (Lihat **Fath al-Bari**, 11/100. Lihat juga **Irsyad al-Hadith Siri ke-168 dan Irsyad al-Hadith Siri ke-458** untuk bacaan lanjut)

3. Doa ini berdasarkan hadith yang diriwayatkan daripada Abu Bakar R.A, beliau berkata kepada Rasulullah SAW:

عَلَّمَنِي دُعَاءَ أَدْعُو بِهِ فِي صَلَاتِي ، قَالَ : قُلِ : اللَّهُمَّ إِنِّي ظَلَمْتُ نَفْسِي ظُلْمًا
كَثِيرًا وَلَا يَغْفِرُ الذُّنُوبَ إِلَّا أَنْتَ ، فَاعْفِرْ لِي مَغْفِرَةً مِنْ عِنْدِكَ ، وَارْحَمْنِي إِنَّكَ

أَنْتَ الْغَفُورُ الرَّحِيمُ

Maksudnya: “Ajarkanlah aku suatu doa yang boleh aku panjatkan dengannya ketika solat.” Maka Baginda SAW pun bersabda: “Bacalah:

اللَّهُمَّ إِنِّي ظَلَمْتُ نَفْسِي ظُلْمًا كَثِيرًا وَلَا يَغْفِرُ الذُّنُوبَ إِلَّا أَنْتَ ، فَاعْفِرْ لِي
مَغْفِرَةً مِنْ عِنْدِكَ ، وَارْحَمْنِي إِنَّكَ أَنْتَ الْغَفُورُ الرَّحِيمُ

Ya Allah! Sungguh aku telah menzalimi diriku sendiri dengan kezaliman yang banyak, sedangkan tidak ada yang dapat mengampuni dosa-dosa kecuali Engkau. Maka ampunilah aku dengan suatu pengampunan dari sisi-Mu, dan rahmatilah aku. Sesungguhnya Engkau Maha Pengampun lagi Maha Penyayang.”

Riwayat al-Bukhari (834) dan Muslim (2705)

Al-Hafiz Ibn Hajar menjelaskan: ‘ظَلَمْتُ نَفْسِي’ (*aku telah menzalimi diriku sendiri*), maksudnya melakukan apa yang dapat mendatangkan seksaan atau mengurangkan darjat. Ini merupakan penjelasan bahawa seseorang tidak terlepas daripada kekurangan meskipun orang itu berstatus *siddiq* (benar dan boleh dipercayai).

‘وَلَا يَغْفِرُ الذُّنُوبَ إِلَّا أَنْتَ’ (*dan tidak ada yang mengampuni dosa selain Engkau*). Kalimat ini mengandungi pengakuan akan keesaan Allah serta permohonan keampunan kepada-Nya.

Berkenan lafaz ‘مَغْفِرَةً مِنْ عِنْدِكَ’ (keampunan dari sisi-Mu), Al-Tibi berkata: Lafaz ‘مَغْفِرَةً’ yang diungkapkan dalam bentuk nakirah menunjukkan bahawa apa yang diminta adalah keampunan yang sangat besar, yang tidak diketahui batasannya. Adapun maksud pernyataan bahawa ia berasal dari sisi Allah SWT adalah menggambarkan keagungan, kerana sesuatu yang berasal dari sisi Allah SWT, maka sifatnya tidak dapat digambarkan.

Ibn Daqiq al-‘Id berkata: Hal ini mencakupi dua kemungkinan:

- **Pertama**, mengisyaratkan tauhid (keesaan Allah SWT) yang disebutkan sebelumnya, seakan-akan dikatakan bahawa tidak ada yang melakukan hal ini kecuali Engkau, maka lakukanlah oleh-Mu.
- **Kedua**, – ini yang lebih baik – mengisyaratkan permohonan keampunan berupa kurniaan daripada Allah SWT, bukan kerana balasan atas suatu amal kebaikan daripada hamba. Kemungkinan terakhir inilah yang ditegaskan oleh Ibn al-Jauzi, katanya: “Maknanya, berikanlah kepadaku keampunan sebagai kurniaan daripada-Mu meskipun aku tidak berhak memperolehinya dengan amalanku.” (Lihat ***Fath al-Bari***, 4/685)

Hadith ini menunjukkan ketika bertaubat dan memohon keampunan, hendaklah disertai dengan perakuan terhadap dosa yang telah dilakukan. Begitu juga hendaklah ketika memulakan doa, dimulakan dengan pengakuan terhadap keadaan diri yang faqir (berhajat kepada Allah SWT) dan penuh dengan dosa. Inilah antara *wasilah* dalam berdoa. (Lihat ***Syarh Riyadh al-Salihin***, 6/34)

Hadith ini juga menunjukkan bahawa setiap orang pasti memiliki kekurangan, sekalipun orang yang disifatkan *al-Siddiq* seperti Abu Bakar. Oleh itu, tidak sewajarnya seseorang itu lalai daripada beristighfar dan memohon keampunan daripada Allah SWT.

Al-Hasan al-Basri pernah berkata: “Perbanyakkanlah istighfar di rumah-rumah, di meja-meja makan, di jalan-jalan, di pertemuan-pertemuan dan di mana saja kamu berada. Sesungguhnya kamu tidak mengetahui bilakah turunnya keampunan.” (Lihat ***Jami’ al-‘Ulum wa al-Hikam***, 1/481)

4. Imam al-Nawawi berkata: Makna ‘وَزَكَّهَا’ adalah sucikanlah. Dan lafaz ‘خَيْرٌ’ (sebaik-baik) bukanlah untuk perbandingan antara yang baik dan yang lebih baik, akan tetapi maknanya: “Tidak ada yang dapat menyucikannya kecuali Engkau,” sepertimana disebut: ‘أَنْتَ وَلِيُّهَا وَمَوْلَاهَا’ (Engkaulah Pelindung dan Tuannya).

5. Doa ini merupakan istighfar Nabi Yunus AS yang mempunyai kelebihanannya tersendiri sepertimana dijelaskan oleh Nabi SAW. Dalam sebuah hadits yang diriwayatkan daripada Sa'ad bin Abu Waqqas R.A, Nabi SAW bersabda:

دَعْوَةُ ذِي النُّونِ إِذْ دَعَا وَهُوَ فِي بَطْنِ الْحُوتِ: لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ، فَإِنَّهُ لَمْ يَدْعُ بِهَا رَجُلٌ مُسْلِمٌ فِي شَيْءٍ قَطُّ إِلَّا اسْتَجَابَ اللَّهُ لَهُ

Maksudnya: “Doa Zu al-Nun (Nabi Yunus) ketika baginda berdoa di dalam perut ikan paus:

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ

Maksudnya: “Sesungguhnya tiada Tuhan (yang dapat menolong) melainkan Engkau (ya Allah)! Maha Suci Engkau (daripada melakukan aniaya, tolongkanlah daku)! Sesungguhnya aku adalah daripada orang-orang yang menganiaya diri sendiri.”

Maka sesungguhnya tidak seorang muslim itu apabila berdoa dengannya untuk sesuatu perkara (masalah) melainkan Allah SWT akan memustajabkan baginya.”

Riwayat al-Tirmizi (3505). Syeikh Syuaib al-Arna'uth berpendapat sanad hadits ini ialah *hasan*

Al-Tabari berkata: Yunus berdoa dengan doa ini, mengakui dosanya dan bertaubat daripada kesalahannya. (Lihat **Jami' al-Bayan**, 18/249)

Di dalam Tafsir Ibn Kathir ada diceritakan kisah bagaimana Nabi Yunus AS ditelan oleh ikan paus. Nabi Yunus AS telah pergi dengan menaiki kapal bersama kaumnya. Kapal tersebut dipukul ombak besar lalu mereka merasa takut kapal itu akan karam. Lalu, mereka mengundi salah seorang di antara mereka yang harus dibuang ke laut untuk meringankan beban kapal tersebut. Maka undian pun terkena kepada Nabi Yunus AS. Akan tetapi, mereka enggan untuk

membuangnya. Lalu mereka pun mengulanginya dan undian tersebut terkena lagi kepada Nabi Yunus AS. Akan tetapi, mereka juga enggan untuk membuangnya. Lalu mereka pun mengulanginya untuk kali yang ketiga dan undian tersebut terkena juga kepada Nabi Yunus AS. (Lihat **Tafsir al-Quran al-'Azim**, 5/321)

Al-Syaukani berkata: Ibn Jarir meriwayatkan daripada Sa'ad bin Abi Waqqas, beliau mendengar Rasulullah SAW bersabda:

اسْمُ اللَّهِ الَّذِي إِذَا دُعِيَ بِهِ أَجَابَ، وَإِذَا سُئِلَ بِهِ أُعْطِيَ: دَعْوَةُ يُونُسَ بْنِ مَتَّى، قُلْتُ: يَا رَسُولَ اللَّهِ، هَلْ لِيُونُسَ خَاصَّةٌ أَمْ لِلْجَمَاعَةِ الْمُسْلِمِينَ؟ قَالَ: هِيَ لِيُونُسَ خَاصَّةٌ وَلِلْمُؤْمِنِينَ عَامَّةٌ إِذَا دَعَوْا بِهِ، أَلَمْ تَسْمَعْ قَوْلَ اللَّهِ: «وَكَذَلِكَ نُنْجِي الْمُؤْمِنِينَ» فَهُوَ شَرْطٌ مِنَ اللَّهِ لِمَنْ دَعَاهُ

Maksudnya: “Nama Allah yang apabila diseru dengannya, maka Allah akan memperkenankan dan apabila dimohon dengannya, maka Allah akan memberi, adalah doa Yunus bin Matta.” Aku (yakni Sa'ad) pun berkata: “Hai Rasulullah, apakah itu khusus untuk Yunus? Atau seluruh kaum Muslimin?” Baginda lalu bersabda: “Itu adalah untuk Yunus secara khusus dan untuk orang-orang beriman secara umum apabila mereka berdoa dengan (doa) itu. Tidakkah engkau mendengar firman Allah, ‘وَكَذَلِكَ نُنْجِي الْمُؤْمِنِينَ’ (Dan demikianlah Kami selamatkan orang-orang yang beriman). Itu adalah syarat daripada Allah bagi yang berdoa kepada-Nya. Al-Hakim juga meriwayatkan seperti itu daripada hadithnya. (Lihat **Fath al-Qadir**, 7423) Hadith ini dinilai dha'if oleh pengarang *Dbai'if al-Jami'* (854).

Manakala disebut dalam al-Sahihain dan selainnya, daripada Ibn 'Abbas R.Anhuma, katanya: Rasulullah SAW bersabda:

مَا يَنْبَغِي لِأَحَدٍ أَنْ يَقُولَ أَنَا خَيْرٌ مِنْ يُونُسَ بْنِ مَتَّى

Maksudnya: “Tidak patut bagi seorang pun untuk mengatakan, “Aku lebih baik daripada Yunus bin Mata.”

Riwayat al-Bukhari (4603) dan Muslim (2376)

Syeikh Dr Wahbah al-Zuhaili berkata: Dalam doa ini, Dzun Nun mengawalinya dengan tauhid, kemudian tasbih dan pujian, kemudian istighfar dan pengakuan telah melakukan zalim atas dirinya. (Lihat **al-Tafsir al-Munir**, 9/117)

6. Doa ini berdasarkan sebuah hadith yang diriwayatkan daripada Abdullah bin Mas’ud R.A, Rasulullah SAW bersabda: “Tiadalah apa-apa masalah atau kesedihan menimpa seseorang, lalu orang itu membaca:

اللَّهُمَّ إِنِّي عَبْدُكَ ، وَابْنُ عَبْدِكَ ، وَابْنُ أَمَتِكَ ، نَاصِيَتِي بِيَدِكَ ، مَاضٍ فِي حُكْمِكَ ،
عَدْلٌ فِي قَضَائِكَ ، أَسْأَلُكَ بِكُلِّ اسْمٍ هُوَ لَكَ سَمَّيْتَ بِهِ نَفْسَكَ ، أَوْ عَلَّمْتَهُ
أَحَدًا مِنْ خَلْقِكَ ، أَوْ أَنْزَلْتَهُ فِي كِتَابِكَ ، أَوْ اسْتَأْثَرْتَ بِهِ فِي عِلْمِ الْغَيْبِ عِنْدَكَ ،
أَنْ تَجْعَلَ الْقُرْآنَ رَبِيعَ قَلْبِي ، وَنُورَ صَدْرِي ، وَجِلَاءَ حُزْنِي ، وَذَهَابَ هَمِّي .

Maksudnya: “Ya Allah, sesungguhnya aku hamba-Mu, anak kepada hamba-Mu, anak kepada hamba perempuan-Mu, ubun-ubunku di tangan-Mu, telah berlalunya keputusan-Mu, Engkau telah berlaku adil ke atas ku dalam keputusan-Mu, aku memohon kepada-Mu dengan setiap nama yang Engkau berikan pada diri-Mu, atau yang telah Engkau ajarkan kepada salah satu makhluk ciptaan-Mu, atau yang telah Engkau turunkan dalam kitab-Mu, atau yang telah Engkau rahsiakan dalam ilmu ghaib-Mu, (aku memohon kepada-Mu) untuk menjadikan al-Quran sebagai penyejuk hatiku, cahaya di dadaku, penghilang kesedihanku, penghapus kesusahanku,”

(Apabila seseorang membaca seperti ini) pasti Allah akan menghapuskan kesusahan dan kesedihannya, dan menjadikan untuknya jalan keluar. Abdullah bin Mas'ud R.A bertanya: “Ya Rasulullah, perlukah aku mempelajari doa ini?” Baginda SAW menjawab: “Ya, sudah sepatutnya sesiapa yang mendengarnya untuk mempelajarinya.”

Riwayat Ahmad (3583)

Hadith ini mengandungi beberapa perkara, antaranya seperti *makrifah* (pengetahuan), tauhid dan ubudiyah. (Lihat **al-Fawa'id**, hlm. 16)

Maksud ungkapan “Sesungguhnya aku ialah hamba-Mu”, adalah berpegang teguh dengan (sikap) penghambaan kepada-Nya, yang mencakupi kerendahan (diri), kepasrahan, *inabah* (kembali kepada-Nya), menjalankan perintah-Nya, menjauhi larangan-Nya, selalu merasa faqir kepada-Nya, bersandar kepada-Nya, memohon pertolongan, tawakkal kepada-Nya, berlindung kepada-Nya, dan hendaklah hati tidak bergantung dengan selain-Nya dengan kecintaan, ketakutan dan pengharapan. (Lihat **al-Tuhfah**, hlm. 140)

7. Daripada Anas bin Malik R.A, Rasulullah SAW bersabda:

مَنْ قَالَ يَغْنَى إِذَا خَرَجَ مِنْ بَيْتِهِ بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ ، يُقَالُ لَهُ كُفِّتَ وَوُقِيتَ ، وَتَنَحَّى عَنْهُ الشَّيْطَانُ .

Maksudnya: Barangsiapa yang ketika keluar dari rumahnya membaca: “بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ”, maka dikatakan kepadanya: “Kamu telah dicukupi dan dipelihara serta syaitan pun akan menjauh daripadanya.”

8. Doa ini berdasarkan hadith yang diriwayatkan daripada Ibn Mas'ud R.A, beliau berkata:

أَنَّهُ كَانَ يَقُولُ : اللَّهُمَّ إِنِّي أَسْأَلُكَ الْهُدَى ، وَالتَّقَى ، وَالْعَفَافَ ، وَالْغِنَى

Maksudnya: “Nabi SAW biasa membaca doa:

اللَّهُمَّ إِنِّي أَسْأَلُكَ الْهُدَى ، وَالتَّقَى ، وَالْعَفَافَ ، وَالْغِنَى

Riwayat Muslim (2721)

Imam al-Nawawi menjelaskan: “ ‘*Afaf* dan ‘*iffah* bermaksud menjauhkan dan menahan diri daripada perkara yang diharamkan. Manakala *al-ghina* (الْغِنَى) ialah hati yang selalu merasa cukup dan tidak berhajat kepada apa yang ada di sisi manusia. (Lihat ***al-Minhaj Syarh Sahih Muslim***, 17/41)

Mulla ‘Ali al-Qari menjelaskan: “*al-Huda* (الْهُدَى) bermaksud hidayah yang sempurna. *Al-Tuqa* (التَّقَى) ertinya ketakwaan yang menyeluruh. *Al-‘Afaf* (الْعَفَاف) bermaksud *al-kafaf* (kecukupan rezeki). Sebahagian ulama menyebut, ertinya adalah al-‘iffah (terpeliharanya diri dari maksiat). Sebahagian ulama’ menyebut, ertinya keterpeliharaan diri dari yang haram. Dinukilkan dari Abu al-Futuh al-Naisaburi, katanya: “*Al-‘Afaf* bermaksud kesolehan jiwa dan hati.” Manakala *al-*

ghina (الْغِنَى) bererti kekayaan hati, iaitu merasa cukup dari apa yang ada pada manusia. (Lihat ***Mirqat al-Mafatih***, 5/1721)

Ibn ‘Allan al-Syafi’e menyebut: “*Al-‘afaf* bermaksud terhindar daripada segala maksiat dan keburukan. *Al-ghina* pula bererti tidak ada perasaan berhajat kepada makhluk. (Lihat ***Dalil al-Falihin***, 7/275)

9. Doa ini berdasarkan kepada hadith Abu Salamah bin Abd al-Rahman bin Auf, katanya: “Aku bertanya kepada ‘Aisyah Ummu al-Mukminin:

بَإَيِّ شَيْءٍ كَانَ نَبِيُّ اللَّهِ صَلَّى اللَّهُ عَلَيْهِ وَسَلَّمَ يَفْتَتِحُ صَلَاتَهُ إِذَا قَامَ مِنَ اللَّيْلِ؟
 قَالَتْ: كَانَ إِذَا قَامَ مِنَ اللَّيْلِ افْتَتَحَ صَلَاتَهُ: اللَّهُمَّ رَبَّ جِبْرِيلَ، وَمِيكَائِيلَ،
 وَإِسْرَافِيلَ، فَاطِرَ السَّمَاوَاتِ وَالْأَرْضِ، عَالِمَ الْغَيْبِ وَالشَّهَادَةِ، أَنْتَ تَحْكُمُ بَيْنَ
 عِبَادِكَ فِيمَا كَانُوا فِيهِ يَخْتَلِفُونَ، اهْدِنِي لِمَا اخْتَلَفَ فِيهِ مِنَ الْحَقِّ بِإِذْنِكَ، إِنَّكَ
 تَهْدِي مَنْ تَشَاءُ إِلَى صِرَاطٍ مُسْتَقِيمٍ

Maksudnya: “Dengan apakah Rasulullah SAW membuka solatnya apabila bangun di malam hari?” ‘Aisyah menjawab: Apabila bangun malam, Baginda membuka solatnya dengan membaca:

اللَّهُمَّ رَبَّ جِبْرِيلَ، وَمِيكَائِيلَ، وَإِسْرَافِيلَ، فَاطِرَ السَّمَاوَاتِ وَالْأَرْضِ، عَالِمَ
 الْغَيْبِ وَالشَّهَادَةِ، أَنْتَ تَحْكُمُ بَيْنَ عِبَادِكَ فِيمَا كَانُوا فِيهِ يَخْتَلِفُونَ، اهْدِنِي لِمَا
 اخْتَلَفَ فِيهِ مِنَ الْحَقِّ بِإِذْنِكَ، إِنَّكَ تَهْدِي مَنْ تَشَاءُ إِلَى صِرَاطٍ مُسْتَقِيمٍ

Ya Allah, Tuhan Jibril, Mikail, dan Israfil. Yang Menciptakan langit dan bumi, Yang Maha Mengetahui yang ghaib mahupun yang kelihatan. Engkaulah yang Menghakimi hamba-hamba-Mu di dalam apa yang mereka perselisihkan. Tunjukkanlah aku dengan izin-Mu kepada kebenaran di dalam apa yang diperselisihkan. Sesungguhnya Engkau memberi petunjuk ke arah Sirat al-Mustaqim kepada sesiapa yang Engkau Kehendaki.

Riwayat Muslim (770), Abu Daud (676)
 dan al-Tirmizi (3420)



Imam Nawawi menyebut bahawa para ulama' berkata, dikhususkan dengan sebutan mereka (Jibril, Mika'il, Israfil) sekalipun Allah SWT Tuhan kepada seluruh makhluk adalah bagi menunjukkan sifat dan tanda-tanda keagungan SWT serta besarnya kekuasaan dan kerajaan-Nya. Selain itu, bagi menunjukkan kemuliaan dan kelebihan mereka di atas selainnya. (Lihat **al-Minhaj**, 5/50 dan **Ikmal al-Mu'lim**, 3/133)

Maksud ungkapan “فما كانوا فيه يختلفون” adalah dari apa yang mereka perselisihkan dari urusan agama dalam kehidupan dunia mereka. Dan tunjukkanlah kepada yang haq dan benar dalam perselisihan ini, dengan taufik-Mu. (Lihat **'Aun al-Ma'bud**, 2/334 dan **Mirqat al-Mafatih**, 3/916)

10. Doa ini berdasarkan kepada hadith yang diriwayatkan daripada Ummi Salamah, katanya:

أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يَقُولُ إِذَا صَلَّى الصُّبْحَ حِينَ يُسَلِّمُ اللَّهُمَّ
إِنِّي أَسْأَلُكَ عِلْمًا نَافِعًا وَرِزْقًا طَيِّبًا وَعَمَلًا مُتَقَبَّلًا

Maksudnya: Bahawa Nabi SAW apabila Baginda solat Subuh, ketika memberi salam, Baginda membaca:

اللَّهُمَّ إِنِّي أَسْأَلُكَ عِلْمًا نَافِعًا، وَرِزْقًا طَيِّبًا، وَعَمَلًا مُتَقَبَّلًا

“Ya Allah, aku memohon kepada-Mu ilmu yang bermanfaat, rezeki yang baik dan amalan yang diterima.

Riwayat Ibn Majah (925)

Dalam hadith yang lain, Nabi SAW jelas menyuruh kita memohon kepada Allah SWT agar diberikan ilmu yang bermanfaat. Daripada Jabir R.A, Rasulullah SAW bersabda:

سَلُوا اللَّهَ عِلْمًا نَافِعًا، وَتَعَوَّذُوا بِاللَّهِ مِنْ عِلْمٍ لَا يَنْفَعُ

Maksudnya: “Mohonlah kamu semua kepada Allah akan ilmu yang bermanfaat dan berlindunglah dengan Allah daripada ilmu yang tidak bermanfaat.”

Riwayat Ibn Majah (3843), al-Baihaqi dalam *Syu'ab al-Iman* (3/276), Ibn Abi Syaibah (27248) dan Abu Ya'la (1927)

Al-Hasan al-Basri berkata: “Ilmu ada dua; ilmu di lisan dan ilmu di hati. Ilmu di hati adalah ilmu yang bermanfaat, sedangkan ilmu di lisan adalah hujah Allah SWT atas anak Adam.” (Lihat *al-Musannaf* oleh Ibn Abi Syaibah, 13/235)

Manakala maksud rezeki yang baik adalah rezeki yang halal sepertimana disebut oleh Syeikh Sa'id bin Ali bin Wahf al-Qahtani. (Lihat *Syarh Hisn al-Muslim min Azkar al-Kitab wa al-Sunnah*, hlm. 129)

11. Doa ini berdasarkan kepada hadith yang diriwayatkan daripada Muaz bin Jabal R.A, bahawa Rasulullah SAW bersabda:

أَوْصِيكَ يَا مُعَاذُ لَا تَدَعَنَّ فِي دُبُرِ كُلِّ صَلَاةٍ تَقُولُ اللَّهُمَّ أَعْنِي عَلَى ذِكْرِكَ وَشُكْرِكَ وَحُسْنِ عِبَادَتِكَ

Maksudnya: Aku berpesan kepadamu wahai Muaz, janganlah engkau meninggalkan pada penghujung setiap solat dari membaca: “Ya Allah bantulah aku untuk mengingati-Mu, bersyukur kepada-Mu, dan elok dalam beribadah kepada-Mu.”

Riwayat Abu Daud (1552)

Syeikh al-‘Azim Abadi menjelaskan, dalam doa ini kita memohon kepada Allah SWT agar kita dapat mentaati-Nya melalui lisan, hati dan perbuatan tubuh badan. (Lihat **‘Aun al-Ma’bud**, 4/385)

12. Doa ini berdasarkan kepada sebuah hadith riwayat Ibn Umar R.Anhuma, katanya:

لَمْ يَكُنْ رَسُولُ اللَّهِ صَلَّى اللَّهُ عَلَيْهِ وَسَلَّمَ يَدْعُ هَؤُلَاءِ الدَّعَوَاتِ ، حِينَ يُنْسِي ،
وَحِينَ يُصْبِحُ : اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ ، اللَّهُمَّ إِنِّي أَسْأَلُكَ
الْعَفْوَ وَالْعَافِيَةَ فِي دِينِي وَدُنْيَايَ وَأَهْلِي وَمَالِي ، اللَّهُمَّ اسْتُرْ عَوْرَتِي ، وَقَالَ عُثْمَانُ
: عَوْرَاتِي وَأَمِنْ رَوْعَاتِي ، اللَّهُمَّ احْفَظْنِي مِنْ بَيْنِ يَدَيْ ، وَمِنْ خَلْفِي ، وَعَنْ
يَمِينِي ، وَعَنْ شِمَالِي ، وَمِنْ فَوْقِي ، وَأَعُوذُ بِعَظَمَتِكَ أَنْ أُغْتَالَ مِنْ تَحْتِي

Maksudnya: “Rasulullah SAW tidak pernah meninggalkan zikir-zikir ini ketika waktu petang dan pagi... (Lalu beliau menyebut doa seperti di atas).”

(Riwayat Abu Daud, 5074)

Imam al-Nawawi berkata: “Lafaz **‘afiyah** adalah satu lafaz yang umum dan terkandung di dalamnya menolak segala perkara yang tidak baik pada zahir dan batin, pada agama sama ada di dunia dan juga di akhirat.” (Lihat **al-Minhaj Syarah Sahih Muslim**, 46/12)

Al-Munawi berkata, **al-‘Afiyah** adalah keselamatan (kesejahteraan) daripada penyakit-penyakit dan bala. Ia juga menghimpunkan di antara dua kesejahteraan iaitu di dunia dan agama. Selain itu, **‘afiyah** akan menolak penyakit-penyakit dunia yang ada di hati dan juga yang berada di badan. (Lihat **Faidh al-Qadir**, 107/4)

Menurut Syeikh al-Mubarakfuri, makna *al-'Afiyah* adalah benteng Allah buat hamba-Nya. Maka orang yang memohonnya adalah seseorang yang sedang memohon pemeliharaan daripada Tuhannya di atas setiap perkara yang diniatkan itu. (Lihat ***Tuhfah al-Ahwazi***, 348/9)

Dalam sebuah hadith yang diriwayatkan daripada Ibn Umar R.Anhuma, beliau berkata:

لَمْ يَكُنْ رَسُولُ اللَّهِ صَلَّى اللَّهُ عَلَيْهِ وَسَلَّمَ يَدْعُ هَؤُلَاءِ الدَّعَوَاتِ، حِينَ يُمْسِي،
وَحِينَ يُصْبِحُ: اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ

Maksudnya: Rasulullah SAW tidak pernah meninggalkan doa tersebut ketika petang dan pagi iaitu:

اللَّهُمَّ إِنِّي أَسْأَلُكَ الْعَافِيَةَ فِي الدُّنْيَا وَالْآخِرَةِ

Maksudnya: “Ya Allah aku memohon kepada-Mu keselamatan di dunia dan akhirat”.

Riwayat Abu Daud (5074). Menurut Syeikh Syuaib al-Ama'uth, sanad hadith ini adalah sahih.

Syeikh Abu al-Hasan al-Mubarakfuri menjelaskan, maksud keselamatan ‘*العافية*’ di dalam hadith tersebut adalah keselamatan daripada perkara-perkara yang merosakkan agama serta kesusahan dunia. Dikatakan juga, keselamatan daripada penyakit-penyakit dan bala-bala. (Lihat ***Mir'ah al-Mafatih***, 8/139. Lihat juga ***Irsyad al-Hadith Siri ke-260*** untuk bacaan lanjut)

13. Guru kami, Syeikh ‘Atiyyah Muhammad Salim berkata: Maksudnya, ya Allah, sesungguhnya Engkau Maha Pengampun yang tidak akan menyiksa, suka kepada pengampunan dan boleh mengampunkan sesiapa sahaja. Maka aku

memohon kepada-Mu akan keampunan, dan aku memohon kepada-Mu apa yang Kamu cintai dengan perbuatan-Mu dan sifat-Mu.

Sebahagian ulama' berkata: Aku merasa kagum dengan lafaz ini. Apabila aku melihatnya dengan teliti, aku dapati terhimpun kebaikan semuanya. Antaranya dalam bentuk 'afiyat pada tubuh badan bagi sesiapa yang menghendaki. Seumpama itu juga, 'afiyat pada agamanya daripada sebarang penyelewengan dan bid'ah. Begitu juga pada anak dan keluarganya serta pada hari Kiamat. Justeru, apa lagi yang dicari selepas itu? Katanya lagi: Aku mengamatinya dan aku mendapati bahawa semua kebaikan terhimpun pada doa ini. (Lihat **Syarh Bulugh al-Maram**, 1/405)

14. Doa ini berdasarkan hadith yang diriwayatkan daripada Anas bin Malik R.A, dia berkata bahawa Nabi SAW telah bersabda kepada Fatimah R.Anha (puteri Baginda):

مَا يَمْنَعُكَ أَنْ تَسْمَعَنِي مَا أَوْصِيكَ بِهِ ، أَنْ تَقُولِي إِذَا أَصْبَحْتَ وَإِذَا أَمْسَيْتِ :
يَا حَيُّ يَا قَيُّوْمُ بِرَحْمَتِكَ أَسْتَغِيْثُ ، أَصْلِحْ لِيْ شَأْنِيْ كُلَّهُ ، وَلَا تَكِلْنِيْ إِلَى نَفْسِيْ
طَرْفَةَ عَيْنٍ

Maksudnya: "Apa yang menghalangi engkau daripada mendengar kepada apa yang aku wasiatkan kepada engkau, iaitu hendaklah engkau membaca pada waktu pagi dan petang:

يَا حَيُّ يَا قَيُّوْمُ بِرَحْمَتِكَ أَسْتَغِيْثُ ، أَصْلِحْ لِيْ شَأْنِيْ كُلَّهُ ، وَلَا تَكِلْنِيْ إِلَى
نَفْسِيْ طَرْفَةَ عَيْنٍ

Maksudnya: Wahai Tuhan yang Maha Hidup dan Tuhan yang Maha Berdiri Sendiri, dengan rahmat-Mu aku memohon pertolongan. Perelokkanlah segala urusanku. Janganlah engkau serahkan diri ini kepada diriku sendiri walau sekelip mata (tanpa mendapat pertolongan dari-Mu).

Riwayat al-Nasa'ie dalam **al-Sunan al-Kubra** (381), Ibn al-Sunni dalam '**Amal al-Yaum wa al-Lailah** (46) dan al-Bazzar (3107).

Imam al-Syaukani dalam kitabnya *Tuhfah al-Zakirin* menjelaskan: “Hadith ini merupakan *jawami’ al-kalim* (kalimat yang singkat, namun padat makna), kerana doa memohon kebaikan segala urusan yang mencakupi seluruh urusan dunia dan akhirat. Tidak ada yang terkeluar daripadanya.

Sehingga menjadi beruntunglah orang yang Allah SWT kabulkan doanya ini, iaitu dengan diberikan kebaikan dunia dan akhirat. Lebih dari itu, kita diajarkan dalam hadith tersebut untuk menyerahkan dengan pasrah segala urusan kepada Allah. Dan ini termasuk tingkatan dan jenis iman paling tinggi.” (Lihat **Tuhfah al-Zakirin**, hlm. 86)

Terdapat juga doa yang lafaz hampir sama dengan lafaz di atas, iaitu dalam hadith yang diriwayatkan daripada Abu Bakrah R.A, bahawa Nabi SAW bersabda:

دَعَوَاتُ الْمَكْرُوبِ اللَّهُمَّ رَحِّمْتَكَ أَرْجُو فَلَا تَكِلْنِي إِلَى نَفْسِي طَرْفَةَ عَيْنٍ وَأَصْلِحْ لِي شَأْنِي كُلَّهُ لَا إِلَهَ إِلَّا أَنْتَ

Maksudnya: “Doa ketika resah atau dirundung duka:

اللَّهُمَّ رَحِّمْتَكَ أَرْجُو فَلَا تَكِلْنِي إِلَى نَفْسِي طَرْفَةَ عَيْنٍ وَأَصْلِحْ لِي شَأْنِي كُلَّهُ لَا إِلَهَ إِلَّا أَنْتَ

Maksudnya: “Ya Allah, dengan rahmat-Mu aku berharap. Janganlah Engkau sandarkan urusanku pada diriku walau sekelip mata. Perbaikilah segala urusanku seluruhnya. Tidak ada tuhan yang berhak disembah melainkan Engkau.”

Riwayat Abu Daud (5090) dan Ahmad (5/42).
Syeikh Syu'aib al-Arnauth menyatakan
bahawa sanad hadith ini hasan.

Imam al-Munawi menjelaskan: “Sesiapa yang mentauhidkan Allah SWT dan mengagungkan-Nya, kemudian disertai dengan berkumpulnya tekad dan hadirnya hati, maka akan dilenyapkan baginya kesulitan di dunia serta diturunkan rahmat dan diangkat darjatnya di akhirat.” (Lihat **Faidh al-Qadir**, 3/526)

15. Ini adalah doa Rasulullah SAW yang *ma'thur*. Daripada Anas R.A, Rasulullah SAW membaca:

اللَّهُمَّ لَا سَهْلَ إِلَّا مَا جَعَلْتَهُ سَهْلًا، وَأَنْتَ تَجْعَلُ الْحَزْنَ إِذَا شِئْتَ سَهْلًا

Maksudnya: Ya Allah! Tiada kemudahan kecuali apa yang Engkau jadikannya sebagai kemudahan. Dan Engkaulah yang menjadikan perkara yang sukar itu jika Kamu kehendaki dengan kemudahan.

Riwayat al-Baihaqi dalam **al-Da'awat al-Kabir** (265), Ibn Hibban (974) dan Ibn al-Sunni dalam **'Amal al-Yaum wa al-Lailah** (351)

Syeikh Mulla 'Ali al-Qari Rahimahullah berkata: Di dalam **al-Qamus**, *al-Hazn* (الْحَزْنُ) bermaksud tanah tinggi yang keras dan kasar.

Manakala *al-Sahl* (السَّهْلُ) ialah lawan kepada *al-Hazn* (الْحَزْنُ). (Lihat **Mirqat al-Mafatih Syarh Misykat al-Masabih**, 7/3010)



Ibn Manzur Rahimahullah berkata:

وَالْحَزَنُ: الْمَكَانُ الْغَلِيظُ، وَهُوَ الْحَشْنُ

Maksudnya: Al-Hazn (الْحَزَنُ) ialah tempat / tanah yang kasar dan keras.

Imam Abu Hanifah Rahimahullah berkata:

الْحَزَنُ حَزْنُ بَنِي يَرْبُوعٍ، وَهُوَ قُفٌّ غَلِيظٌ مَسِيرُ ثَلَاثِ لَيَالٍ فِي مِثْلِهَا، وَهِيَ
 بَعِيدَةٌ مِنَ الْمِيَاهِ

Maksudnya: Al-Hazn, dikatakan Haznu Bani Yarbu' iaitu tempat/tanah tinggi dan keras batu-batanya, mengambil masa tiga hari perjalanan untuk melepaskannya. Tempat yang jauh daripada air. (Lihat *Lisan al-Arab*, 2/430)

Berdasarkan kenyataan di atas, asal perkataan *al-hazn* adalah tempat tinggi, sukar dan payah. Justeru, maksud *al-hazn* di sini dengan melihat *siyaqi hadith*, ia dipindahkan daripada makna zahir kepada makna *kinayah* iaitu kesukaran dalam sesuatu perkara. Ini berdasarkan kepada muqaddimah hadith dan juga kesudahannya.

16. Doa ini berdasarkan kepada sebuah hadith yang diriwayatkan daripada Abu Wa'il bahawa seorang hamba *mukatab* (yang boleh menebus dirinya jika dia membayar sejumlah wang kepada tuannya) bertemu dengan Ali R.A. Hamba ini berkata kepada Ali: "Sesungguhnya aku tidak mampu untuk membayar tebusan kepada tuan aku."



Saidina Ali R.A lalu berkata: “Mahukah aku ajarkan kepada kamu beberapa perkataan yang diajarkan oleh Rasulullah SAW kepadaku, jika engkau sebutkannya, jika engkau mempunyai hutang sebesar bukit Sobir maka Allah SWT akan menunaikan hutang tersebut bagi kamu. Katakanlah:

اللَّهُمَّ اكْفِنِي بِحَلَالِكَ عَنْ حَرَامِكَ ، وَأَغْنِنِي بِفَضْلِكَ عَمَّنْ سِوَاكَ

Maksudnya: Ya Allah, cukupkanlah aku dengan yang halal, tanpa perlu kepada yang haram. Kayakanlah aku dengan kurniaan-Mu, tanpa aku mengharapkan kepada selain-Mu.

Riwayat al-Tirmizi (3563), Ahmad (1319)

Imam al-Munawi menyebut: *Sesiapa yang menyebutnya dengan niat yang benar, akan mendapat kesan pengabulan dengan segera.* (Lihat **al-Taisir bi Syarh al-Jami’ al-Saghir**, 1/809)

17. Doa ini merupakan antara doa yang sering dibacakan oleh Rasulullah SAW. Ini berdasarkan kepada hadith yang diriwayatkan daripada Anas R.A, beliau berkata:

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُكثِرُ أَنْ يَقُولَ: يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ، فَقُلْتُ: يَا رَسُولَ اللَّهِ، أَمَّا بِكَ وَبِأَجِثَ بِهِ فَهَلْ تَخَافُ عَلَيْنَا؟ قَالَ: نَعَمْ، إِنَّ الْقُلُوبَ بَيْنَ أَصْبَعَيْنِ مِنْ أَصَابِعِ اللَّهِ يُقَلِّبُهَا كَيْفَ يَشَاءُ.

Maksudnya: Rasulullah SAW selalu mengucapkan:

يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ

(Wahai Zat yang membolak-balikkan hati, teguhkanlah hatiku di atas agama-Mu)

Kemudian aku pun bertanya: “Wahai Rasulullah, kami beriman kepadamu dan kepada apa yang engkau bawa, lalu apakah engkau masih risau kepada kami?” Baginda menjawab: “Ya, kerana sesungguhnya hati manusia berada di antara dua genggam tangan (kekuasaan) Allah yang Dia bolak-balikkan menurut yang dikehendaki-Nya.”

Riwayat Imam Ahmad (12107), al-Tirmizi (2140), al-Baihaqi dalam Syu'ab al-Iman (757) dan al-Tabarani dalam *al-Du'a* (1261)

Begitu juga, perkara ini turut dinyatakan oleh Ummu Salamah R.Anha. Dalam sebuah hadith yang diriwayatkan daripada Syahr bin Hausyab, beliau berkata:

قُلْتُ لَأُمِّ سَلَمَةَ : يَا أُمَّ الْمُؤْمِنِينَ مَا كَانَ أَكْثَرُ دُعَاءِ رَسُولِ اللَّهِ صَلَّى اللَّهُ عَلَيْهِ وَسَلَّمَ إِذَا كَانَ عِنْدَكَ ؟ قَالَتْ : كَانَ أَكْثَرُ دُعَائِهِ : يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ قَالَتْ : فَقُلْتُ : يَا رَسُولَ اللَّهِ مَا لَأَكْثَرِ دُعَائِكَ يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ ؟ قَالَ : يَا أُمَّ سَلَمَةَ إِنَّهُ لَيْسَ آدَمِيٌّ إِلَّا وَقَلْبُهُ بَيْنَ أَصْبَعَيْنِ مِنَ أَصَابِعِ اللَّهِ ، فَمَنْ شَاءَ أَقَامَ ، وَمَنْ شَاءَ أَرَاغَ .

Maksudnya: “Aku pernah bertanya kepada Ummu Salamah: “Wahai Ummul Mukminin! Apakah doa Rasulullah SAW yang paling banyak apabila Baginda SAW berada bersamamu?” Beliau menjawab: “Doa Baginda SAW yang paling banyak adalah:

يَا مُقَلِّبَ الْقُلُوبِ ثَبِّتْ قَلْبِي عَلَى دِينِكَ

(“Wahai Tuhan yang membolak-balikkan hati, tetapkanlah hatiku di atas agama-Mu.”)

Ummu Salamah menyebut: “Aku berkata kepada Rasulullah SAW; “Wahai Rasulullah! Betapa kerap engkau berdoa: “يَا مُقَلَّبَ الْقُلُوبِ ثَبِّتْ قَلْبِي عَلَىٰ دِينِكَ”. Lalu Baginda SAW menjawab: “Wahai Ummu Salamah! Sesungguhnya tidak ada seorang anak Adam pun melainkan hatinya berada di dalam genggamannya kekuasaan Allah. Barangsiapa yang Allah kehendaki, maka Dia akan meluruskannya dan barangsiapa yang Allah kehendaki maka Dia akan membelokkannya.”

Riwayat Imam Ahmad (26618)
dan al-Tirmizi (3522)

18. Doa ini berdasarkan hadith yang diriwayatkan daripada Saidatina ‘Aisyah R.Anha, di mana beliau berkata bahawa Rasulullah SAW mengajarkan kepada beliau doa ini.

Imam al-Munawi dalam menjelaskan hadith tersebut, telah menukilkan bahawa al-Hulaimi berkata: “Ini termasuk kata-kata yang ringkas dan padat, di mana *Syari*” menganjurkan untuk berdoa dengannya. Ini kerana ketika dia berdoa dengannya, maka dia telah memohon kepada Allah semua kebaikan dan dia berlingung kepada-Nya daripada segala kejahatan.” (Lihat **Faidh al-Qadir**, 2/162)

19. Doa ini berdasarkan hadith daripada Umar bin al-Khattab R.A, katanya:

كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا أُنْزِلَ عَلَيْهِ الْوَحْيُ سَمِعَ عِنْدَ وَجْهِهِ
كَدَوِيَّ النَّحْلِ ، فَأُنْزِلَ عَلَيْهِ يَوْمًا فَمَكَثْنَا سَاعَةً ، فَسَرَّيْنَا عَنْهُ فَاسْتَقْبَلَ الْقِبْلَةَ
وَرَفَعَ يَدَيْهِ وَقَالَ : اللَّهُمَّ زِدْنَا وَلَا تَنْقُصْنَا ، وَآكِرْمْنَا وَلَا تُهِنَّا ، وَأَعْظِنَا وَلَا
تَحْرِمْنَا ، وَآثِرْنَا وَلَا تُؤْثِرْ عَلَيْنَا ، وَارْضِنَا وَارْضَ عَنَّا ، ثُمَّ قَالَ صَلَّى اللَّهُ عَلَيْهِ
وَسَلَّمَ : أُنْزِلَ عَلَيَّ عَشْرُ آيَاتٍ ، مَنْ أَقَامَهُنَّ دَخَلَ الْجَنَّةَ ، ثُمَّ قَرَأَ : قَدْ أَفْلَحَ

الْمُؤْمِنُونَ حَتَّى خَتَمَ عَشْرَ آيَاتٍ

Maksudnya: Apabila diturunkan wahyu kepada Nabi SAW, maka terdengar suara seperti suara dengungan lebah di wajah Baginda. Pada suatu hari, diturunkan wahyu kepada Baginda, lalu kami diam sejenak. Kemudian, Baginda kelihatan gembira lalu menghadap kiblat dan berdoa:

اللَّهُمَّ زِدْنَا وَلَا تَنْقُصْنَا، وَأَكْرِمْنَا وَلَا تُهِنَّا، وَأَعْظِمْنَا وَلَا تَحْرِمْنَا، وَآثِرْنَا وَلَا تُؤْثِرْ عَلَيْنَا، وَأَرْضِنَا وَأَرْضِ عَنَّا

(“Wahai Allah! Tambahkanlah buat kami dan jangan Engkau kurangkan. Muliakanlah kami, jangan hinakan kami. Berilah kebaikan buat kami, jangan cegahnyanya. Pilihlah kami, jangan Engkau biarkan dan redhailah kami dan redhailah pula semua usaha kami.”)

Setelah itu, Nabi SAW bersabda: “Sepuluh ayat diturunkan padaku. Barangsiapa melaksanakannya akan masuk syurga.” Baginda kemudian membaca (ayat-ayat dari surah al-Mukminun): “قَدْ أَفْلَحَ الْمُؤْمِنُونَ” (*Sesungguhnya berjaya lah orang-orang yang beriman..*) sehingga sepuluh ayat.

Al-San’ani dalam menjelaskan doa di atas, antara lain menyebut: Maksud “اللَّهُمَّ زِدْنَا” adalah tambahkanlah kami daripada segala kebaikan sama ada dalam perkara agama atau duniawi. Manakala maksud ungkapan “أَكْرِمْنَا وَلَا تُهِنَّا” adalah muliakanlah kami dengan ketaatan kepada-Mu dan jangan hinakan kami dengan maksiat terhadap-Mu. Sesungguhnya ketaatan merupakan faktor kemuliaan di dunia dan akhirat, manakala maksiat merupakan faktor kehinaan pada kedua-duanya. (Lihat **al-Tanwir Syarh al-Jami’ al-Saghir**, 3/100)

20. Doa ini berdasarkan hadith yang diriwayatkan daripada Imran bin Husain R.A, bahawa Nabi SAW pernah mengajar bapanya, dua kalimat yang dibaca di dalam doa:

اللَّهُمَّ اهْدِنِي رُشْدِي، وَأَعِزَّنِي مِنْ شَرِّ نَفْسِي

Maksudnya: “Wahai Allah! Ilhamkanlah kepadaku petunjuk dan kecerdasan serta lindungilah aku daripada kejahatan nafsuku.”

Syeikh al-Mubarakfuri menyebut, yakni berikanlah taufik padaku kepada *al-rusyd* iaitu petunjuk kepada kebaikan. Dan lindungilah aku daripada kejahatan nafsuku, yakni peliharalah aku daripada kejahatannya di mana ia adalah tempat tumbuhnya perkara-perkara yang keji. (Lihat **Tuhfah al-Ahwazi**, 9/455)

21. Doa ini berdasarkan hadith yang diriwayatkan oleh Anas bin Malik R.A, katanya:

كَانَ يَقُولُ إِذَا انْصَرَفَ مِنَ الصَّلَاةِ: اللَّهُمَّ اجْعَلْ خَيْرَ عُمْرِي آخِرَهُ، وَخَيْرَ عَمَلِي خَوَاتِمَهُ، وَاجْعَلْ خَيْرَ أَيَّامِي يَوْمَ أَلْقَاكَ

Maksudnya: Baginda SAW menyebut ketika selesai daripada solat:

اللَّهُمَّ اجْعَلْ خَيْرَ عُمْرِي آخِرَهُ، وَخَيْرَ عَمَلِي خَوَاتِمَهُ، وَاجْعَلْ خَيْرَ أَيَّامِي يَوْمَ أَلْقَاكَ

(“Wahai Allah! Jadikanlah sebaik-baik umurku adalah pada penghujungnya, dan sebaik-baik amalanku sebagai penutupnya. Dan jadikanlah sebaik-baik hariku, adalah hari dimana daku berjumpa dengan-Mu kelak.”)



Riwayat Ibn al-Sunni dalam ‘**Amal al-Yaum wa al-Lailah**’ (121) dan al-Tabarani dalam **al-Ausat** (9411)

22. Doa ini berdasarkan sebuah hadits daripada Busr bin Arthah al-Qurasyi R.A, beliau mendengar Rasulullah SAW pernah berdoa:

اللَّهُمَّ أَحْسِنْ عَاقِبَتَنَا فِي الْأُمُورِ كُلِّهَا، وَأَجِرْنَا مِنْ خِزْيِ الدُّنْيَا وَعَذَابِ الْآخِرَةِ

Maksudnya: “Wahai Allah! Perelokkanlah kesudahan segenap urusan kami, serta lindungilah kami daripada kenistaan hidup di dunia dan seksaan hidup di akhirat.”

Riwayat Ahmad (17628), al-Tabarani dalam *al-Du'a* (1436), al-Baihaqi dalam *al-Da'awat al-Kabir* (269) dan al-Hakim dalam *al-Mustadrak* (6508)

Imam al-Munawi menyebut bahawa maksudnya ialah jadikanlah akhir bagi setiap amalan kami dengan kebaikan kerana sesungguhnya amalan itu adalah berdasarkan pengakhirannya. Maksud “خزي الدنيا” (kenistaan hidup di dunia) adalah perkara yang keji darinya, musibahnya dan tipudayanya. (Lihat **Faidh al-Qadir**, 8/263)

Ungkapan “الأمور كلها” (segala urusan) merangkumi urusan-urusan agama dan dunia. Ini adalah seumum-umum doa dari sudut *syumulnya* bagi memohon kebaikan dunia dan akhirat. (Lihat **al-Tanwir Syarh al-Jami' al-Saghir**, 3/92)

23. Doa ini diriwayatkan oleh Uthman bin Affan R.A. Beliau berkata: “Aku mendengar Nabi SAW bersabda:

مَنْ قَالَ بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ، فِي الْأَرْضِ، وَلَا فِي السَّمَاءِ، وَهُوَ السَّمِيعُ الْعَلِيمُ، ثَلَاثَ مَرَّاتٍ، لَمْ تُصِبْهُ فَجَاءَةٌ بَلَاءٍ، حَتَّى يُصْبِحَ، وَمَنْ قَالَهَا حِينَ يُصْبِحُ ثَلَاثَ مَرَّاتٍ، لَمْ تُصِبْهُ فَجَاءَةٌ بَلَاءٍ حَتَّى يُمْسِيَ

Maksudnya: Sesiapa yang membaca:

بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ فِي الْأَرْضِ وَلَا فِي السَّمَاءِ، وَهُوَ السَّمِيعُ الْعَلِيمُ

(“Dengan nama Allah yang dengan nama-Nya, tidak ada satu pun yang dapat memberi kemudaratkan di bumi mahupun di langit, Dia-lah Yang Maha Mendengar lagi Maha Mengetahui”)

sebanyak tiga kali, maka dia tidak akan ditimpa bala yang datang secara tiba-tiba sehingga subuh. Dan barangsiapa yang membacanya ketika subuh sebanyak tiga kali, maka dia tidak akan ditimpa bala yang datang secara tiba-tiba sehingga petang (malam).”

Riwayat Abu Daud (5088), al-Tirmizi (3388), Ibn Majah (3869), al-Nasa’ie dalam **al-Sunan al-Kubra** (10178) dan Ahmad (446). Menurut Syeikh Syuaib al-Arna’uth, hadith ini adalah hasan.

Di dalam hadith ini dinyatakan akan kelebihan orang yang membaca doa ini pada awal siang hari dan awal malam hari. Doa tersebut dimulakan dengan menyebut nama Allah bagi memohon perlindungan-Nya daripada segala keburukan yang mana tidak akan memberi mudarat sesuatu pun dengan nama Allah apabila ia diucapkan dengan pegangan yang betul dan niat yang ikhlas. Adapun, kita bukan sahaja memohon perlindungan daripada keburukan di muka bumi sahaja, bahkan juga keburukan dari langit iaitu apa-apa yang turun dari langit. Tambahan pula, Allah SWT bersifat Maha mendengar akan ucapan-ucapan kita dan Allah juga bersifat Maha Mengetahui akan keadaan kita. (Lihat **Tuhfah al-Ahwazi**, 9/234)

Di samping itu juga, tidak memberi mudharat dengan nama-Nya di dalam doa ini juga membawa maksud bahawa penduduk bumi berada di dalam keadaan aman dan selamat disebabkan keberkatan nama Allah SWT serta keterikatan dengan-Nya. Samalah keadaannya kepada penduduk di langit bilamana mereka

melazimi nama Allah SWT dalam setiap perkara. (Lihat **Syarh Hisn al-Muslim**, hlm. 149. Lihat juga **Irsyad al-Hadith Siri ke-463** untuk bacaan lanjut)

24. Doa ini berdasarkan hadits daripada Abu Hurairah R.A, katanya: Rasulullah SAW berdoa:

اللَّهُمَّ إِنِّي أَعُوذُ بِكَ مِنْ عَذَابِ الْقَبْرِ ، وَمِنْ عَذَابِ النَّارِ ، وَمِنْ فِتْنَةِ الْمَحْيَا
وَالْمَمَاتِ ، وَمِنْ فِتْنَةِ الْمَسِيحِ الدَّجَالِ

Maksudnya: “Ya Allah, sesungguhnya aku berlindung kepada-Mu daripada seksa kubur, daripada azab neraka, daripada fitnah kehidupan dan kematian, dan daripada fitnah al-Masih al-Dajjal.”

Riwayat al-Bukhari (1377) dan Muslim (1352)

Imam al-Nawawi menyebut: Hadith ini menunjukkan *thabitnya* azab kubur dan fitnahnya. Inilah mazhab yang benar berbanding dengan pegangan mazhab Muktaizilah. (Lihat **Syarh Sahih Muslim**, 5/85)

Al-Hafiz Ibn Hajar menjelaskan: Para ahli bahasa berkata bahawa ‘fitnah’ ialah ujian dan cubaan. Al-Qadhi ‘Iyadh berkata: “Dalam kehidupan seharian, perkataan tersebut digunakan untuk sesuatu yang tidak disukai.” Perkataan ini boleh juga bermakna pembunuhan, *naminah* (adu domba) dan sebagainya. (Lihat **Fath al-Bari**, 4/682)

Al-Azhari menyebut: “Inti makna fitnah di dalam bahasa Arab terkumpul pada makna cubaan dan ujian.” (Lihat **Tahzib al-Lughah**, 14/296 dan **Mu’jam Maqayis al-Lughah**, 4/472)

Ibn al-Athir pula berkata: “(Perkataan fitnah) banyak penggunaannya dalam perkara yang tidak disukai. Kemudian ia banyak digunakan untuk makna-

makna; dosa, kekafiran, perang, pembakaran, penghilangan dan memalingkan sesuatu.” (Lihat **al-Nihayah**, 3/410)

Ibn al-A'rabi telah meringkaskan makna-makna fitnah dengan menyebut: “Fitnah bermakna ujian, fitnah bermakna cubaan, fitnah bermakna harta, fitnah bermakna anak-anak, fitnah bermakna kekafiran, fitnah bermakna perselisihan pendapat di antara manusia, fitnah bermakna pembakaran dengan api.” (Lihat **Lisan al-'Arab**, 13/317)

25. Doa ini berdasarkan beberapa buah hadits. Antaranya, dalam satu riwayat menyebut bahawa sesiapa yang mengamalkannya, maka dia akan diberi keselamatan sepanjang berada di sesuatu tempat itu. Diriwayatkan daripada Khaulah binti Hakim al-Sulamiyyah R.Anha, beliau mendengar Rasulullah SAW bersabda:

مَنْ نَزَلَ مَنْزِلًا ثُمَّ قَالَ : أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ ، لَمْ يَضُرَّهُ شَيْءٌ حَتَّى يَرْجُلَ مِنْ مَنْزِلِهِ ذَلِكَ

Maksudnya: “Barangsiapa yang singgah pada suatu tempat, kemudian mengucapkan:

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

(Aku berlindung dengan kalimah Allah yang sempurna daripada segala keburukan yang Allah SWT cipta), segala sesuatu tidak akan memberi mudarat padanya, sehinggalah dia meninggalkan tempat tersebut.

Riwayat Muslim (7053)



Imam al-Nawawi berkata: “Ungkapan Rasulullah SAW “أَعُوذُ بِكَلِمَاتِ اللَّهِ التَّامَّاتِ” (Aku berlindung dengan kalimah Allah yang sempurna), bermaksud kalimat yang tidak mengandung kekurangan atau cela, atau maksudnya yang bermanfaat dan menyembuhkan, atau makna lain yang dimaksudkan dengan kalimat di sini adalah al-Quran. Wallahu a’lam. (Lihat **al-Minhaj Syarh Sahih Muslim**, 17/31)

Di dalam *Syarah Hisn al-Muslim*, dikatakan maksud kalimah Allah yang sempurna itu adalah nama-nama Allah yang mana tidak ada padanya kekurangan. (Lihat **Syarah Hisn al-Muslim**, hlm. 154)

Abu al-‘Abbas al-Qurtubi menyebut: “Ungkapan Nabi SAW ” لَمْ يَضُرَّهُ شَيْءٌ حَتَّى ” يَرْجُلَ مِنْ مَنْزِلِهِ ذَلِكَ (tidak akan dimudaratkannya oleh sesuatu, sehinggalah dia meninggalkan tempat tersebut), ini adalah khabar yang sahih, perkataan yang benar berlandaskan dalil dan pengalaman. Ini kerana sejak mendengarnya, sungguh aku selalu mengamalkannya dan aku tidak pernah tertimpa marabahaya sehinggalah aku meninggalkannya, lalu aku disingat kala jengking pada suatu malam. Kemudian aku merenung, ternyata aku lupa berlindung (kepada Allah) dengan kalimat-kalimat tersebut.” (Lihat **al-Mufhim li ma asykala min Talkhis Syarh Sahih Muslim**, 4/1527)

Manakala dalam hadith lain, yang diriwayatkan daripada Suhail bin Abu Soleh, daripada bapanya, daripada Abu Hurairah R.A, Nabi SAW bersabda:

مَنْ قَالَ حِينَ يُمِسي ثَلَاثَ مَرَّاتٍ : أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ ،
لَمْ يَضُرَّهُ حُمَةٌ تِلْكَ اللَّيْلَةَ

Maksudnya: “Sesiapa yang mengucapkan pada waktu petang tiga kali:

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

(“Aku berlindung dengan kalimah Allah yang sempurna daripada segala keburukan yang Allah SWT cipta”), tidak akan terkena sengatan binatang berbisa pada malam itu.”

Riwayat al-Tirmizi (3604)

Suhail (perawi hadits ini) berkata: “Keluarga kami mempelajarinya dan mengucapkannya pada setiap malam, hingga tiba suatu hari seorang anak perempuan kami disengat oleh seekor binatang, namun dia tidak merasa sakit sedikit pun.” (Lihat **Sunan al-Tirmizi**, 5/475)

Dalam hadits lain, sepertimana yang diriwayatkan oleh Abu Hurairah R.A, beliau berkata:

جَاءَ رَجُلٌ إِلَى النَّبِيِّ صَلَّى اللَّهُ عَلَيْهِ وَسَلَّمَ فَقَالَ: يَا رَسُولَ اللَّهِ مَا لَقِيتُ مِنْ عَقْرَبٍ
لَدَغَتْني الْبَارِحَةَ، قَالَ: أَمَا لَوْ قُلْتَ، حِينَ أَمْسَيْتَ: أَعُوذُ بِكَلِمَاتِ اللَّهِ التَّامَّاتِ مِنْ
شَرِّ مَا خَلَقَ، لَمْ تَضُرَّكَ

Maksudnya: “Telah datang seorang lelaki kepada Nabi SAW lalu berkata: Wahai Rasulullah, ketika aku sedang tidur, ada seekor kala jengking datang menyengatku. Maka Nabi SAW bersabda: Jika kamu membaca ketika waktu petang (malam) itu:

أَعُوذُ بِكَلِمَاتِ اللَّهِ التَّامَّاتِ مِنْ شَرِّ مَا خَلَقَ

(Aku berlindung dengan kalimah Allah yang sempurna daripada segala keburukan yang Allah SWT cipta), nescaya tidak akan berlaku perkara yang memudaratkan kamu.”

Riwayat Muslim (2709)

26. Maksud ungkapan “أَعُوذُ بِكَ مِنْ عِلْمٍ لَا يَنْفَعُ” ialah lindungilah aku dari ilmu yang aku tidak beramal dengannya, dan ilmu yang aku tidak mengambil manfaat dengannya, dan aku tidak mengajarkan manusia dengannya, serta ilmu yang tidak menambah baik pada akhlak, amalan dan kata-kata. Ini kerana ilmu yang bermanfaat itu ialah yang menambahkan rasa takut kepada Allah SWT, dan menambahkan kesedaran seorang hamba terhadap aib-aib dan kekurangan dirinya sendiri serta kekurangan-kekurangan di dalam amalannya. (Lihat **Tuhfah**

al-Zakirin, hlm. 419; **Faidh al-Qadir**, 2/153 dan **al-Futuhat al-Rabbaniyyah**, 3/132)

Imam al-Nawawi berkata: ‘وَمِنْ نَفْسٍ لَا تَشْبَعُ’ (dari nafsu yang tidak pernah kenyang), maksudnya berlindung daripada sikap tamak, rakus, tidak mempunyai harga diri dan terbelenggunya jiwa dengan angan-angan yang jauh. (Lihat **Syarh Sahih Muslim**, 11/1047)

Mulla ‘Ali al-Qari menjelaskan: Hati yang tidak khusyuk ialah hati yang tidak tetap dan tidak tenang dalam zikir kepada Allah. Manakala maksud “نَفْسٍ لَا تَشْبَعُ” adalah nafsu yang tidak kenyang dengan apa yang telah diberikan Allah SWT, serta tidak merasa *qana’ah* (cukup) dan puas dengan rezeki yang telah dikurniakan-Nya, dan juga tidak berhenti mengumpulkan harta disebabkan sikap tamak dan haloba yang keterlaluan. (Lihat **Mirqat al-Mafatih**, 4/1706)

27. Doa ini diriwayatkan oleh Anas bin Malik R.A. Beliau berkata:

كَانَ يَقُولُ: اللَّهُمَّ إِنِّي أَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ

Maksudnya: Adalah Nabi SAW berdoa:

اللَّهُمَّ إِنِّي أَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ

(“Ya Allah aku berlindung dengan-Mu daripada penyakit sopak, gila, kusta dan penyakit-penyakit yang buruk).”

Riwayat Abu Daud (1554). Menurut Syeikh Syuaib al-Arna'uth, sanad hadith ini adalah sahih.

Imam al-Khattabi menyatakan kita dituntut untuk memohon perlindungan daripada penyakit-penyakit ini kerana ia mencacatkan badan dan kekal kesannya serta sebahagiannya memberi kesan kepada akal. Penyakit-penyakit ini tidak sama dengan penyakit-penyakit lain yang mana ia tidak kekal seperti demam, pening dan seumpamanya yang mana ia adalah *kaffarat* (penghapus dosa) dan bukannya hukuman. (Lihat ***Ma'alim al-Sunan***, 1/297)

Tambahan pula, penyakit gila adalah suatu penyakit yang menyebabkan hilangnya akal di mana akal adalah permulaan kepada kebaikan ilmu dan amal sehingga dikatakan ia (akal) lebih utama daripada ilmu.

Adapun penyakit kusta pula adalah penyakit yang menyebabkan badan menjadi hitam, lalu ia akan merosakkan anggota dan kemungkinan ia akan memakan anggota tersebut sehingga menyebabkan ia terputus daripada badan. Justeru, kita dituntut untuk memohon perlindungan dengan Allah daripada apa-apa yang boleh merosakkan batin kita seperti hilangnya akal serta apa-apa yang boleh mencacatkan zahir kita seperti penyakit kusta ini.

Maka dengan sebab itu, diumumkan (pada akhir doa) daripada setiap penyakit yang membinasakan diri atau badan dengan menyebut penyakit-penyakit yang buruk. (Lihat ***al-Futuhat al-Rabbaniyyah***, 7/217-218)

Al-Tibi pula dalam menjelaskan hadith ini menyebut bahawa Nabi SAW tidak meminta berlindung secara mutlak daripada segala penyakit kerana sebahagian penyakit ada yang tidak terlalu parah dan mengandungi banyak pahala jika dihadapi dengan sabar. Ini seperti demam, pening, sakit mata dan sebagainya. Baginda SAW hanya minta berlindung daripada penyakit-penyakit yang kronik, yang berpanjangan, di mana menjadikan manusia menjauhkan diri darinya seperti sopak, gila, kusta dan seumpamanya. (Lihat ***Syarah al-Tibi 'ala Misykat al-Masabih***, 6/1918)

Kami pernah bertanya kepada Syeikh Muhamad 'Awwamah berkenaan makna "*penyakit-penyakit yang buruk*". Menurutnya, ia adalah apa-apa sahaja penyakit teruk yang berbahaya seperti selsema burung, kanser dan

sebagainya. Maka, virus Covid-19 yang sedang merebak pada waktu ini juga boleh dikategorikan sebagai penyakit-penyakit yang buruk sepertimana disebutkan di dalam hadith atau doa di atas. (Berdasarkan pertemuan di kediaman beliau di Istanbul, Turki pada 27/1/2020. Lihat juga *Irsyad al-Hadith Siri ke-465* untuk bacaan lanjut)

28. Doa ini adalah mengikut lafaz yang diriwayatkan oleh Ibn Hibban, iaitu daripada Ziyad bin 'Ilaqah, daripada bapa saudaranya, bahawa Nabi SAW membaca doa:

اللَّهُمَّ جَنِّبْنِي مُنْكَرَاتِ الْأَخْلَاقِ، وَالْأَهْوَاءِ، وَالْأَسْوَاءِ، وَالْأَذْوَاءِ

Maksudnya: “Ya Allah! Jauhkanlah aku daripada kemungkaran akhlak (akhlak-akhlak yang keji), mengikut hawa nafsu, keadaan yang buruk dan penyakit yang berbahaya.”

Riwayat Ibn Hibban (960)

Manakala mengikut lafaz dalam riwayat al-Tirmizi, daripada Ziyad bin 'Ilaqah, daripada bapa saudaranya, bahawa Nabi SAW membaca doa:

اللَّهُمَّ إِنِّي أَعُوذُ بِكَ مِنْ مُنْكَرَاتِ الْأَخْلَاقِ وَالْأَعْمَالِ وَالْأَهْوَاءِ

Maksudnya: “Ya Allah, aku berlindung kepada-Mu daripada keburukan akhlak, amalan dan hawa nafsu.”

Riwayat al-Tirmizi (3591)

Di dalam riwayat al-Hakim terdapat perbezaan sedikit iaitu pada kalimah ‘الْأَسْوَاءُ’ di mana dalam riwayat al-Hakim disebut dengan lafaz ‘perbuatan yang buruk’ dan bukannya ‘keadaan yang buruk’. (Lihat **al-Mustadrak**, 1/714) Adapun dari sudut status hadith ini, ia disahihkan oleh Imam Ibn Hibban dan juga Imam al-Hakim. Imam al-Hakim menyatakan hadith ini sanadnya sahih mengikut syarat Imam Muslim.

Hadith ini mendorong kita agar menjauhkan diri daripada akhlak yang keji serta menyeru kita agar berakhlak dengan akhlak yang terpuji di samping beramal dengan amalan soleh. Antara yang dimaksudkan dengan kemungkaran akhlak adalah seperti ‘*ujub*, *takabbur*, sombong, bangga diri, hasad dengki, mengangkat diri dan zalim.

Adapun kemungkaran amalan pula adalah seperti zina, meminum arak dan perkara-perkara haram yang lain. Manakala kemungkaran hawa nafsu pula bermaksud pegangan (*i’tiqad*) yang salah, tujuan yang *batil* (salah), pemikiran yang merosakkan serta adab yang mengaibkan. (Lihat **Nuzhah al-Muttaqin**, 2/242)

Maksud “penyakit yang berbahaya” di dalam doa tersebut adalah seperti penyakit kusta, sopak, batuk kering, penyakit rongga paru-paru atau seumpamanya yang mana kesemuanya adalah penyakit yang berbahaya. (Lihat **Faidh al-Qadir**, 2/110) Untuk itu, lafaz hadith atau doa ini adalah bersifat umum. Maka ia boleh dimaksudkan dengan apa jua penyakit yang berbahaya.

Nabi SAW selalu berdoa agar dipelihara oleh Allah SWT daripada penyakit-penyakit yang berbahaya ini serta memohon agar dijauhi daripada seburuk-buruk penyakit. (Lihat **Subul al-Salam**, 2/673. Lihat juga **Irsyad al-Hadith Siri ke-466** untuk bacaan lanjut)



29. Doa ini adalah berdasarkan kepada sebuah hadith yang diriwayatkan daripada Abu Hurairah R.A, bahawa Nabi SAW bersabda:

تَعَوَّذُوا بِاللَّهِ مِنْ جَهْدِ الْبَلَاءِ ، وَدَرَكِ الشَّقَاءِ ، وَسُوءِ الْقَضَاءِ ، وَشَمَاتَةِ الْأَعْدَاءِ

Maksudnya: “Mintalah perlindungan kepada Allah daripada bala yang berat, hinanya kesengsaraan, takdir yang buruk, dan kegembiraan musuh (terhadap masalah yang menimpa).”

Riwayat al-Bukhari (6347) dan Muslim (2707)

Imam al-Nawawi menjelaskan bahawa maksud perlindungan daripada buruknya takdir adalah merangkumi buruknya takdir dalam agama, dunia, badan, harta dan keluarga. Manakala berkenaan maksud hinanya kesengsaraan (دَرَكِ الشَّقَاءِ), ia juga termasuk kesusahan dalam hal-hal yang berkaitan akhirat dan duniawi.. (Lihat **Syarh Sahih Muslim**, 17/31)

Al-Hafiz Ibn Hajar berkata: ‘وَدَرَكِ الشَّقَاءِ’: Lafaz ‘دَرَكِ’ bermaksud menjumpai atau mendapati, manakala lafaz *al-syaqa*’ (الشَّقَاءِ) bermaksud kebinasaan atau kehancuran. Ini adalah sebutan tentang sebab yang mengakibatkan kebinasaan.

Ibn Battal dan selainnya berkata: ‘جَهْدِ الْبَلَاءِ’ ialah kesulitan berat yang menimpa seseorang yang tidak dapat ditanggung dan tidak dapat dihindarinya. Manakala lafaz ‘شَمَاتَةِ الْأَعْدَاءِ’ adalah bermaksud yang menggores dengan sangat mendalam pada hati dan jiwa.

Imam al-Nawawi berkata: ‘شَمَاتَةِ الْأَعْدَاءِ’ adalah bergembiranya musuh kerana musibah yang menimpa orang-orang yang bermusuhan dengan mereka. Hadith tersebut menunjukkan bahawa memohon perlindungan daripada perkara-perkara tersebut adalah dianjurkan, dan seluruh ulama sepakat akan hal tersebut. Namun sebahagian daripada kalangan ahli zuhud menyangkalnya. (Dinukilkan oleh Ibn Hajar dalam **Fath al-Bari**, 30/913)

Permintaan berlindung daripada ketentuan takdir yang berakibat buruk tidaklah bertentangan dengan sikap redha terhadap ketentuan takdir Allah SWT. Ini kerana meminta berlindung daripada ketentuan takdir yang buruk juga merupakan ketentuan takdir Allah SWT. Allah boleh sahaja mentakdirkan bala kepada seseorang. Namun Allah juga mentakdirkan bahawa apabila seseorang berdoa, maka Dia akan menghilangkan bala tersebut. (Lihat **Tuhfah al-Zakirin**, hlm. 381 dan **Mir'at al-Mafatih**, 8/214)

30. Doa ini diriwayatkan oleh Abdullah bin 'Umar R.Anhuma. Beliau berkata: "Antara doa Rasulullah SAW adalah:

اللَّهُمَّ إِنِّي أَعُوذُ بِكَ مِنْ زَوَالِ نِعْمَتِكَ وَتَحَوُّلِ عَافِيَّتِكَ وَفُجَاءَةِ نِقْمَتِكَ وَجَمِيعِ سَخَطِكَ

Maksudnya: "Ya Allah, sesungguhnya aku berlindung kepada-Mu daripada hilangnya kenikmatan yang telah Engkau berikan, daripada berubahnya kesihatan yang telah Engkau anugerahkan, daripada seksaan-Mu yang datang secara tiba-tiba, dan daripada segala kemurkaan-Mu."

Riwayat Muslim (2739)

Syeikh al-'Azim Abadi menyebut: "Yang dimaksudkan dengan nikmat di sini adalah nikmat Islam, iman, anugerah ihsan (berbuat baik) dan kebajikan. Manakala maksud berubahnya kesihatan (وَتَحَوُّلِ عَافِيَّتِكَ) adalah berubahnya nikmat sihat menjadi sakit daripada anggota pendengaran, penglihatan dan anggota-anggota badan yang lain." (Lihat **'Aun al-Ma'bud**, 4/283)

31. Sebab datangnya hadith ini, di mana Rasulullah SAW telah didatangi oleh tetamu. Lantas Nabi SAW bertanya kepada isterinya: "Ada apa-apa makanan?" Jawabnya: "Tiada." Lantas Nabi SAW terus membaca doa ini. Usai sahaja berdoa, didapati seorang lelaki datang dengan membawa hadiah

seekor kambing panggang. Lantas Nabi menjamu tetamunya dan bersabda:

هَذِهِ مِنْ فَضْلِ اللَّهِ ، وَنَحْنُ نَنْتَظِرُ الرَّحْمَةَ

Maksudnya: “Ini adalah kurniaan-Nya, dan kami menanti rahmat-Nya pula.

Riwayat al-Tabarani dalam *al-Mu’jam al-Kabir* (10379) dan Abu Nu’aim dalam *Hilyah al-Auliya’* (7/280). Hadith ini dihukumkan sebagai sahih oleh pengarang kitab *al-Silsilah al-Sahihah*.

32. Doa ini berdasarkan kepada sebuah hadith yang diriwayatkan daripada Abu Said al-Khudri R.A, katanya: “Rasulullah SAW telah memasuki masjid. Didapati pada waktu tersebut ada seorang sahabat daripada kalangan Ansar – dikatakan beliau adalah Abu Umamah R.A – sedang duduk di sana. Baginda lalu bertanya: “Wahai Abu Umamah, kenapa aku melihat engkau sedang duduk di dalam masjid sedangkan bukan pada waktu solat?” Abu Umamah menjawab: “Dukacita dan hutang menyelubungiku wahai Rasulullah!”

Lalu Rasulullah SAW bersabda: “Mahukah kamu aku ajarkan kepada kamu satu doa jika kamu membacanya Allah akan menghilangkan rasa dukacitamu dan melangsaikan hutangmu.” Abu Umamah menjawab: “Sudah tentu, wahai Rasulullah.” Maka Baginda bersabda: “Ucapkanlah pada waktu pagi dan petang bacaan ini:

اللَّهُمَّ إِنِّي أَعُوذُ بِكَ مِنَ الْهَمِّ وَالْحَزَنِ وَأَعُوذُ بِكَ مِنَ الْعَجْزِ وَالْكَسَلِ وَأَعُوذُ بِكَ
مِنَ الْجُبْنِ وَالْبُخْلِ وَأَعُوذُ بِكَ مِنْ غَلَبَةِ الدَّيْنِ وَقَهْرِ الرِّجَالِ

Maksudnya: “Ya Allah, sesungguhnya aku berlindung kepada Engkau dari kedukaan dan kesedihan. Aku berlindung kepada Engkau dari sifat lemah dan malas. Aku berlindung kepada Engkau dari sifat pengecut dan kedekut. Dan aku berlindung kepada Engkau dari bebanan hutang dan penindasan manusia.”

Abu Umamah RA berkata: “Setelah membaca doa tersebut, Allah menghilangkan kedukaanku dan melunaskan hutangku.”

Riwayat al-Bukhari (6369), Abu Daud (1555), al-Tirmizi (3484), al-Nasa’ie (5449) dan al-Baihaqi dalam al-Da’awat al-Kabir (305)

Al-Hafiz Ibn Hajar berkata: Terdapat perbezaan antara lemah dan malas. Malas adalah meninggalkan sesuatu yang mampu untuk dilakukan, manakala lemah adalah meninggalkan sesuatu kerana tidak mampu melakukannya. (Lihat **Fath al-Bari**, 16/95)

Dalam hadith di atas, Rasulullah SAW mengajar kita agar berlindung kepada Allah SWT daripada lapan perkara. Setiap dua perkara memiliki makna yang saling berkaitan sepertimana disebut oleh Imam Ibn al-Qayyim di dalam **Badai’ al-Fawa’id** (2/207). Kami nukilkan seperti berikut:

Pertama dan Kedua : *al-Hamm* (الْهَمُّ) (kegelisahan) dan *al-Hazan* (الْحَزَن) (kesedihan).

Kedua-dua perkara ini akan menjadikan jiwa tidak tenang. *Al-Hamm* adalah kegelisahan terhadap perkara yang mungkin akan berlaku pada masa depan. Manakala *al-hazan* adalah kesedihan terhadap sesuatu yang telah terjadi atau kehilangan orang dicintai.

Ketiga dan keempat: *Al-‘Ajz* (الْعُزْز) (lemah) dan *al-Kasal* (الْكَسَل) (malas).

Kedua-dua perkara ini juga akan menghalang seseorang untuk mencapai sesuatu yang diingini. *Al-‘Ajz* (lemah) adalah apabila seseorang tiada kemampuan untuk melakukan sesuatu walaupun dia ada kemahuan. Manakala *al-kasal* (malas) adalah tidak adanya kemahuan untuk melakukan pekerjaan walaupun dia berkemampuan.

Kelima dan keenam: *Al-Jubn* (الْجُبْن) (penakut) dan *al-Bukhl* (الْبُخْل) (kedekut).

Kedua-dua perkara ini menunjukkan kerisauan yang ada dalam diri seseorang tentang nasib diri dan hartanya pada masa akan datang, lalu dia menjadi penakut dan kedekut. Penakut adalah bagi orang yang takut jiwanya terancam, manakala bakhil khusus bagi orang yang takut hartanya habis. (Lihat ***Badai' al-Fawa'id***, 2/207)

Ketujuh dan Kelapan: *Ghalabat al-Dain* (غَلَبَةُ الدَّيْنِ) (Hutang yang membelit) dan *Qahr al-Rijal* (قَهْر الرِّجَالِ) (penguasaan orang).

Kedua-dua perkara ini adalah perkara yang sering berkait. Ini kerana apabila seseorang mempunyai hutang yang banyak, maka dia secara tidak langsung berada di bawah kekuasaan orang yang memberi hutang kepadanya.

Imam al-Qurtubi berkata: *“Para ulama’ berkata, maksud daripada tekanan hutang adalah, seseorang itu tidak memiliki apa-apa lagi untuk melunaskan hutangnya ketika orang yang memberi hutang menagihnya.”*

33. Doa ini merupakan doa yang diungkapkan oleh Talut dan golongan yang beriman ketika menentang bala tentera Jalut. Syeikh al-Maraghi dalam tafsirnya menyebut, ketika Talut dan golongan beriman yang bersamanya melihat musuhnya dalam jumlah yang besar, mereka pun berlindung kepada Allah SWT. Mereka lalu berdoa memohon supaya hati mereka dipenuhi kesabaran, ketabahan, manakala langkah mereka diteguhkan untuk berperang serta ditanamkan perasaan penuh kepercayaan dan ketenangan.

Hakikatnya mereka ini memerhatikan tertib sifat alam semasa berdoa, sesuai dengan cara untuk memperoleh kemenangan. Ini kerana, kesabaran menjadi faktor keteguhan dan keteguhan pula menjadi faktor kemenangan. (Lihat ***Tafsir al-Maraghi***, 1/554)

34. Al-Syaukani berkata: Disebut dalam *al-Kassiyaf*: “Hakikat ‘أَوْزَعْنِي’ adalah, jadikanlah aku dapat mengatur kesyukuran atas nikmat-Mu kepadaku, mempertahankan dan mengikatnya agar tidak lagi lepas dariku, sehingga menjadikan aku selalu bersyukur kepada-Mu.”

Al-Wahidi berkata: ‘أَوْزَعْنِي’ maksudnya iaitu ilhamkanlah aku agar mensyukuri nikmat-Mu yang Engkau anugerahkan kepadaku.” Al-Qurtubi berkata: Asal perkataan tersebut daripada ‘وَزَعَ’ (mencegah), jadi seakan-akan dia berkata: ‘Cegahlah aku daripada perkara-perkara yang menimbulkan kemurkaan-Mu.’ (Lihat **Fath al-Qadir**, 8/286)

Sayyid Qutb dalam mentafsirkan ayat ini berkata: Doa Nabi Sulaiman AS ini dimulakan dengan “رَبِّ” (“Wahai Tuhanku!”). Di sini beliau menggunakan kata-kata seruan dari dekat dan secara langsung. Kemudian beliau memohon dengan “أَوْزَعْنِي” (Ilhamkanlah aku) atau tumpahkan diriku yakni kumpulkan seluruh diriku dan anggotaku, perasaanku, lidahku, hatiku, fikiranku, perkataanku, susunan perkataanku, amalanku dan tujuanku. Begitu juga seluruh daya tenagaku supaya seluruhnya ditumpukan “*agar tetap bersyukur dengan nikmat yang telah Engkau limpahkan kepadaku dan kepada kedua-dua ibubapaku.*”

Ungkapan ini membayangkan nikmat Allah yang telah mengharukan hati Nabi Sulaiman AS pada saat itu dan menggambarkan bentuk perasaan keterharuan, kekuatan *tawajjuh* dan rasa hatinya yang bergelora ketika beliau menyedari nikmat Allah dan limpah kurniaan kepadanya dan kepada kedua ibubapanya. Beliau mengalami nikmat dan rahmat Allah itu dengan penuh perasaan lalu memohon seperti doa di atas. (Lihat **Tafsir Fi Zilal al-Quran**, 12/155)

35. Ibn Kathir berkata: Pengertian doa ini adalah: Ya Tuhan kami, janganlah engkau palingkan hati kami daripada petunjuk setelah Engkau berikan kami petunjuk dan Engkau tetapkan kami di atas jalan petunjuk. Dan janganlah jadikan kami seperti orang-orang yang hatinya sesat di mana mereka sengaja

mengikuti ayat-ayat musyabih dalam al-Quran dengan tujuan mencipta fitnah dan membuat pentakwilan yang batil. Tetapkanlah kami pada jalan Engkau yang lurus dan agama-Mu yang kukuh. Kurniakanlah kepada kami dari sisi-Mu rahmat yang dapat meneguhkan hati kami, menyatukan diri-diri kami dan menambah keimanan dan keyakinan dalam jiwa kami. (Lihat **Tafsir al-Quran al-‘Azim**, 2/11)

Daripada Ummu Salamah – Asma’ binti Yazid bin Sakan – Rasulullah SAW sering mengucapkan doa: **اللَّهُمَّ مُقَلِّبَ الْقُلُوبِ ، ثَبِّتْ قَلْبِي عَلَى دِينِكَ** (Ya Allah, Yang membolak-balikkan hati, teguhkanlah hatiku di atas agama-Mu). Aku (Ummu Salamah) pun bertanya: “Hai Rasulullah, apakah hati itu berbolak-balik?” Baginda SAW menjawab:

نَعَمْ ، مَا مِنْ خَلْقٍ اللَّهُ مِنْ بَنِي آدَمَ مِنْ بَشَرٍ إِلَّا أَنْ قَلْبُهُ بَيْنَ أَصْبَعَيْنِ مِنْ أَصَابِعِ اللَّهِ ، فَإِنْ شَاءَ اللَّهُ عَزَّ وَجَلَّ أَقَامَهُ ، وَإِنْ شَاءَ أَرَاغَهُ ، فَتَسْأَلُ اللَّهُ رَبَّنَا أَنْ لَا يُزِيعَ قُلُوبَنَا بَعْدَ إِذْ هَدَانَا ، وَنَسْأَلُهُ أَنْ يَهَبَ لَنَا مِنْ لَدُنْهُ رَحْمَةً ، إِنَّهُ هُوَ الْوَهَّابُ .

Maksudnya: “Ya, tidak seorang pun manusia ciptaan Allah melainkan hatinya berada di dua jari dari jari-jari Allah. Jika Allah menghendaki, Dia boleh meluruskannya. Dan jika Dia menghendaki, Dia boleh menyesatkannya. Maka kita memohon kepada Allah, Tuhan kita agar tidak menyesatkan hati kita setelah Dia memberi petunjuk kepada kita, dan kita memohon kepada-Nya agar mengurniakan kepada kita rahmat dari sisi-Nya. Sesungguhnya Dia Maha Pemberi.”

Riwayat al-Tirmizi (3517) dan Ahmad (301). Al-Haithami dalam Majma’ al-Zawa’id (10/179) menyebut bahawa isnadnya hasan.

Syeikh al-Maraghi berkata bahawa orang yang dalam ilmunya akan segera memohon kepada Allah SWT agar diri mereka dipelihara dari segala kesesatan setelah mendapat hidayah, diberi sikap teguh untuk mengetahui

hakikat sesuatu dan bersikap lurus sewaktu menetapkan kebenaran. Mereka berdoa kerana sedar akan kelemahan manusia, yang mempunyai watak berubah-ubah, lupa dan lemah serta takut jatuh dalam kesalahan. Sedangkan kesalahan itu teman karib kebinasaan. (Lihat **Tafsir al-Maraghi**, 2/695)

36. Ibn Kathir menyebut dalam mentafsirkan ayat ini: “Maksudnya kurniakanlah kepada kami rahmat dari sisi-Mu, yang dengannya Engkau mengasihi kami. Dan tetapkanlah bagi kami petunjuk yang lurus dalam urusan kami. Dengan kata lain, jadikanlah kesudahan akhir kami di atas petunjuk yang lurus.” (Lihat **Tafsir al-Quran al-Azim**, 5/230)

Imam al-Tabari menjelaskan, lafaz “رَشَدًا” maksudnya adalah petunjuk dalam mengamalkan perbuatan yang Allah cintai. (Lihat **Jami’ al-Bayan ‘an Ta’wil al-Quran**, 17/605)

Syeikh Dr. Wahbah al-Zuhaili menyebut dalam tafsirnya: “Dan sempurnakanlah petunjuk yang lurus bagi kami dalam urusan kami.” Atau bermakna, “Jadikanlah ujian kami ini sebagai petunjuk yang lurus, Engkau mencukupkan kemaslahatan kami dan menjadikan kami termasuk golongan orang-orang yang mendapat petunjuk dan bukan golongan orang-orang yang sesat, juga tergolong orang yang mendapat hidayah bukan golongan yang dalam kebingungan.” Atau, “Jadikanlah segala urusan kami ini sebagai perkara yang benar.” (Lihat **al-Tafsir al-Munir**, 15/217)

Dr. Syihabuddin Abu Zahw menukilkan kisah rakannya, Dr. Abd al-Sami’ Anis, Professor dalam ilmu hadith di Universiti al-Syariqah yang berkata: “Hajatku telah diperolehi kerana melazimi membaca doa ini bersama keluargaku pada hari Jumaat dengan banyak kali.”

Dalam musafir kami ke bumi Turki pada awal tahun 2020, antara tempat yang kami lawati adalah di pinggir bandar Istanbul untuk bertemu salah seorang pakar hadith pada masa kini, al-Syeikh al-‘Allamah Muhammad ‘Awwamah. Kami berbincang banyak perkara terutamanya



isu *corona virus* yang mula meletus ketika itu dan kaitannya dengan hadith taun. Sebelum kami berangkat, beliau memanggil kami dan ketika itu hampir kami menaiki kenderaan, lantas dipesan kepada kami doa ini. Saya\terlupa sama ada doa:

رَبَّنَا آتِنَا مِنْ لَدُنْكَ رَحْمَةً وَهَيِّئْ لَنَا مِنْ أَمْرِنَا رَشَدًا

atau doa:

رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ.

Justeru saya syorkan supaya diamalkan kedua-duanya.

37. Syeikh Dr. Wahbah al-Zuhaili menjelaskan: “Ayat ini menjadi dalil tentang solidariti (perpaduan/setiakawan) antara segenap lapisan generasi umat ini, mulai dari generasi pertama sehingga generasi-generasi berikutnya. Ayat ini menunjukkan bahawa orang-orang Mukmin yang datang kemudian dari generasi ke generasi diperintahkan untuk memohon *maghfirah* dan keampunan bagi generasi terdahulu dari kalangan kaum Muhajirin dan Ansar.” (Lihat ***al-Tafsir al-Munir***, 14/460)

38. Syeikh Dr Wahbah al-Zuhaili berkata: Nabi Musa AS memberi minum kepada kambing milik dua orang perempuan tersebut daripada telaga yang ditutupi batu besar, yang tidak mampu diangkat kecuali oleh sepuluh orang lelaki. Sepertimana riwayat Ibn Abi Syaibah daripada Umar bin al-Khattab, kemudian Nabi Musa mengembalikan batu besar itu ke atas telaga, lalu beranjak pergi ke naungan pohon untuk beristirahat. Kemudian Baginda bermunajat kepada Tuhannya: “Sungguh, aku memerlukan makanan sedikit atau banyak untuk menghilangkan rasa laparku.” Al-Quran menjadikan perkataan ‘فَقِيرٌ’ sebagai muta’addi dengan huruf lam kerana ia mengandungi makna meminta dan mengharap. (Lihat ***al-Tafsir al-Munir***, 10/358)

Sayyid Qutb berkata: Dari celah-celah ayat ini, kita dapat mendengar bisikan hati Musa AS yang ingin berlindung di bawah naungan Allah yang aman tenteram, kuat dan teguh, serta teduh dan nyaman. Kita mendengar suara munajat yang dekat, suara bisikan yang menarik, suara permohonan yang halus dan perhubungan yang amat mendalam. (Lihat **Fi Zilal al-Quran**, 5/419)

Menariknya, selepas daripada doa tersebut, akhirnya Baginda dikurniakan makan minum dan isteri. Justeru, amat wajar bagi sesiapa yang inginkan isteri serta dimurahkan rezeki untuk membaca doa ini dengan penuh tawajjuh dan ikhlas kepada Allah.

39. Doa ini diriwayatkan oleh Abu Hurairah R.A. Beliau berkata bahawa jika Nabi SAW ingin memberikan ucapan selamat pada seseorang yang telah berkahwin, maka Baginda berdoa: ‘بَارَكَ اللَّهُ لَكَ، وَبَارَكَ عَلَيْكَ، وَجَمَعَ بَيْنَكُمَا فِي خَيْرٍ’ (“Semoga Allah memberkatimu ketika bahagia dan ketika susah, serta menghimpunkan kamu berdua dalam kebaikan.”)

Al-Munawi berkata: Dalam sebahagian riwayat, lafaz ‘فِي خَيْرٍ’, dibaca dengan ‘على خير’. Al-Thibi berkata: Lafaz ‘pada’ yang pertama adalah *syartiyyah* dan yang kedua adalah *zorfiyyah*. Dikatakan ‘بَارَكَ اللَّهُ’ adalah jawab syarat. Al-Zamakhshari berkata: Maknanya adalah bahawa seseorang itu menetapkan keberkatan dengan doa ini. (Lihat **Faidh al-Qadir**, 5/138)

40. Al-Tabari berkata: Ini merupakan permintaan Nabi Ibrahim kepada Tuhannya agar Dia mengurniakan keturunan yang soleh kepadanya. Ibrahim berdoa: “Hai Tuhanku, anugerahkanlah kepadaku seorang anak yang termasuk dari kalangan orang-orang yang soleh, yang mentaati-Mu dan tidak melakukan maksiat kepada-Mu, melakukan kebaikan di atas muka bumi dan tidak merosakkan.” (Lihat **Jami’ al-Bayan**, 21/869)

Syeikh Dr Wahbah al-Zuhaili berkata: Di tengah hijrah dan perjalanan Nabi Ibrahim AS, Baginda memanjatkan doa kepada Allah SWT agar dikurniakan seorang anak, *رَبِّ هَبْ لِي مِنَ الصَّالِحِينَ*, yakni hai Tuhanku, kurniakanlah aku seorang anak soleh yang membantuku dalam melaksanakan ketaatan kepada-Mu dan menghilangkan kesepianku di tempat yang asing. (Lihat ***al-Tafsir al-Munir***, 12/105)

Justeru, amat wajar bagi kita mengamalkannya terutama golongan yang belum dikurniakan cahaya mata. Yang lebih penting daripada itu, bukan semata-mata dikurniakan anak, tetapi bersifat soleh yang menjadi penyejuk dan penawar mata hati dunia dan akhirat.

41. Imam al-Nawawi dalam ***al-Azkar*** (hlm. 349) dan Imam Ibn al-Qayyim dalam ***Tuhfat al-Maudud*** (hlm. 35) menisbahkan doa ini kepada Hasan al-Basri. Ia asalnya diriwayatkan oleh Ibn al-Ja'd dalam Musnadnya, Ibn Abi al-Dunya, Abu Bakar Ibn al-Munzir dalam al-Awsat dan Ibn 'Adi dalam al-Kamil.

Dalam ***al-Futuh al-Rabbaniyyah 'ala al-Azkar al-Nawawiyyah***, Ibn 'Allan al-Syafi'i menjelaskan maksud Imam al-Nawawi ini. Beliau berkata:

Imam al-Nawawi tidak menyebut dari manakah riwayat tersebut dikeluarkan. Ulama' lain menyebut bahawa yang mengatakan seperti itu adalah al-Hasan. Imam al-Suyuti dalam ***Wusul al-Amani bi Usul al-Tahani*** mengatakan bahawa riwayat tersebut dikeluarkan oleh Ibn 'Asakir daripada Kulthum Ibn Jausyan, katanya: "Seseorang pernah datang menemui al-Hasan dan orang tersebut baru sahaja dikurniakan seorang anak. Lalu dia berkata kepada al-Hasan: "Wahai Abu Sa'id, apa yang akan engkau ucapkan?" Lalu al-Hasan pun berkata: *بورك لك في الموهوب، وشكرت الواهب، ورزقت برء، وبلغ أشده* (Semoga anak yang diberikan kepadamu diberkati. Semoga engkau juga bersyukur kepada Yang Memberi. Dan semoga engkau dikurniakan kebbaikannya dan dia dapat mencapai dewasa).

Al-Tabarani mengeluarkan dalam al-Du'a daripada jalur al-Yasri bin Yahya, dia berkata bahawa ketika seseorang dikurniakan seorang anak, al-Hasan al-Basri mendoakannya dengan doa: 'جَعَلَهُ اللهُ مُبَارَكًا عَلَيْكَ وَعَلَى أُمَّةٍ مُحَمَّدٍ' (Semoga dengannya Allah memberi keberkatan untukmu dan untuk umat Muhammad SAW).



Ibn 'Alan berkata: Jika kita perhatikan riwayat pertama dan riwayat kedua yang secara jelas menyebut sebagai perkataan al-Hasan al-Basri, maka kita dapat pastikan bahawa yang dimaksudkan daripada riwayat di atas daripada al-Hasan al-Basri (bukan daripada al-Hasan bin 'Ali) kerana kuniyah al-Hasan al-Basri ialah Abu Sa'id manakala nama kuniyah al-Hasan bin 'Ali ialah Abu 'Abdillah. Yang menegaskan bahawa yang dimaksudkan tersebut adalah al-Hasan al-Basri ialah al-Auza'i. Akan tetapi dalam kitab al-Tuhfah oleh Ibn Hajar, tetap dikatakan bahawa yang dimaksudkan ialah al-Hasan bin 'Ali. (Lihat **al-Futuh al-Rabbaniyyah**, 6/74)

Syeikh Sa'id bin Ali bin Wahf al-Qahtani menjelaskan: Ungkapan 'بَارَكَ اللهُ لَكَ' bermaksud semoga Allah memperbanyak kebajikanmu atas kelahiran anakmu.

Ungkapan 'وَشَكَرْتَ الْوَاهِبَ', maksudnya, semoga Allah menjadikan kamu orang yang redha atas apa yang telah dianugerahkan oleh Allah kepadamu, lalu kamu bersyukur memuji-Nya.

Ungkapan 'وَبَلَغَ أَشُدَّهُ' maksudnya semoga ia lekas membesar menjadi dewasa, kuat dan panjang usianya sehingga dia dapat membantu dalam segala urusanmu. Ungkapan 'وَرَزَقْتَ بَرَّهُ' yakni semoga Allah menjadikannya anak yang taat kepadamu. (Lihat **Syarh Hisn al-Muslim**, hlm. 195)

42. Doa ini berdasarkan hadits yang antaranya diriwayatkan oleh Imam al-Bukhari daripada Anas bin Malik R.A bahawa Nabi SAW pernah datang menemui Ummu Sulaim (ibu Anas). Ketika itu, Ummu Sulaim mengatakan bahawa Anas (anaknya) sedia untuk menjadi pembantu Nabi SAW. Lalu Baginda mendoakan Anas dalam urusan akhirat dan dunianya. Antara doa Baginda kepada Anas ialah:

اللَّهُمَّ ارْزُقْهُ مَالًا، وَوَلَدًا، وَبَارِكْ لَهُ

Maksudnya: “Ya Allah, tambahkanlah rezeki padanya berupa harta dan anak serta berkatilah dia dengan nikmat tersebut.”

Riwayat al-Bukhari (1982) dan Muslim (660)

Dalam riwayat lain, disebut bahawa Nabi SAW mendoakan Anas dengan doa:

اللَّهُمَّ أَكْثِرْ مَالَهُ وَوَلَدَهُ، وَبَارِكْ لَهُ فِي مَا أُعْطِيَ

Maksudnya: “Ya Allah, perbanyakkanlah harta dan anaknya, serta berkatilah kurniaan yang Engkau berikan kepadanya.”

Riwayat al-Bukhari (6334) dan Muslim (2480)

Al-Hafiz Ibn Hajar berkata: “Hadith tersebut menunjukkan bolehnya berdoa meminta banyak harta dan banyak anak kepada Allah. Dan hal ini sama sekali tidak menafikan kebaikan akhirat.” (Lihat **Fath al-Bari**, 4/229)

Imam al-Nawawi berkata: Terdapat beberapa pelajaran yang dapat dipetik daripada hadith ini. Antaranya:

- Kemestian terkabulnya doa Rasulullah SAW. Hal ini merupakan tanda kenabian Baginda, di mana pada akhirnya Anas R.A seorang yang kaya harta dan banyak anak cucu serta memperoleh keberkatan.
- Keistimewaan-keistimewaan yang dimiliki oleh Anas bin Malik R.A seperti usia panjang, dimuliakan oleh pemerintah Umawi.
- Dalil yang menguatkan pendapat sebahagian kalangan yang lebih mengutamakan orang yang kaya daripada orang yang fakir. Manakala pihak yang lebih mengutamakan fakir menjawab dalil ini bahawa Anas tidak hanya didoakan menjadi kaya, tetapi disertakan doa memperoleh keberkatan dalam kekayaannya. Dengan itu, apabila kekayaan itu disertakan dengan keberkatan, maka ia tidak dikhuatiri akan menjadi bencana, fitnah, menjadikan seseorang sombong dan terkena penyakit harta yang lain, yang biasanya terjadi kepada orang-orang kaya.
- Panduan tatacara berdoa yang baik daripada Rasulullah SAW di mana jika berdoa untuk urusan yang berunsurkan duniawi, maka hendaklah menggandingkannya dengan doa keberkatan di dalamnya. Sehingga akhirnya, Anas dan anak-anaknya menjadi orang-orang terbaik dan individu-individu yang berguna kerana memperoleh doa keberkatan daripada Rasulullah SAW. (Lihat **Syarh Sahih Muslim**, 11/404)

Manakala lafaz terakhir berkenaan doa panjang umur adalah menurut riwayat Imam al-Bukhari di dalam kitab al-Adab al-Mufrad, daripada Anas, katanya: “Nabi SAW pernah masuk menemui keluarga kami dan Baginda mendoakan kami.” (Ketika itu), Ummu Sulaim (ibunya) berkata: “Ini (Anas), pembantu kecilmu. Doakanlah kepada Allah untuknya.” Kemudian Rasulullah SAW berdoa:

اللَّهُمَّ أَكْثِرْ مَالَهُ وَوَلَدَهُ، وَأَطِلْ حَيَاتَهُ، وَاعْفِرْ لَهُ.

Maksudnya: “Ya Allah, banyakkkanlah harta dan anaknya. Panjangkanlah umurnya dan ampunilah dia.”

Riwayat al-Bukhari dalam al-Adab al-Mufrad (653), Ibn Sa'ad dalam al-Tabaqat al-Kubra (8451) dan Abu Ya'la (4236).

Hal ini juga sejajar dengan hadith yang diriwayatkan daripada Abi Bakrah RA, katanya: Seorang lelaki telah datang menemui Rasulullah SAW lalu bertanya: “Wahai Rasulullah, siapakah manusia yang terbaik?” Rasulullah SAW menjawab:

مَنْ طَالَ عُمرُهُ وَحَسَنَ عَمَلُهُ

Maksudnya: “Sesiapa yang panjang usianya dan baik amalannya.”

Riwayat al-Tirmizi (2330). Imam al-Tirmizi menilai hadith ini sebagai hasan sahih.

43. Al-Sabuni berkata, jadikanlah kami pada suami-suami kami/isteri-isteri kami dan anak-anak kami kegembiraan dan kebahagiaan dengan sentiasa berpegang dalam ketaatan kepada-Mu dan beramal dalam mencari keredhaan-Mu. (Lihat **Sofwah al-Tafasir**, 2/340)

Ibn Kathir dalam menjelaskan maksud “وَاجْعَلْنَا لِلْمُتَّقِينَ إِمَامًا” (dan jadikanlah kami imam ikutan bagi orang-orang yang (mahu) bertaqwa), menukilkan pendapat Ibn Abbas, al-Hasan, al-Suddi, Qatadah dan al-Rabi' bin Anas yang berkata: “Iaitu para pemimpin yang diteladani dalam kebaikan.” (Lihat **Tafsir al-Quran al-'Azim**, 6/134)

Syeikh al-Maraghi pula menyebut: Mereka juga memohon agar Allah SWT menjadikan mereka sebagai pemimpin yang diteladani ketika menegakkan

panji-panji agama dengan menganugerahkan ilmu yang luas serta memberinya taufik bagi mengerjakan amal soleh. (Lihat **Tafsir al-Maraghi**, 10/4902)

Ramai dalam kalangan salafus soleh dan ulama' yang beramal dengan doa ini dan melaziminya agar dikurniakan kebahagiaan dalam kehidupan dengan keluarga yang sentiasa mentaati perintah Allah. Natiujahnya, keluarga mereka mendapat banyak kelebihan dan kebahagiaan dalam melayari bahtera kehidupan.

44. Doa ini juga merupakan antara doa yang sering diucapkan oleh Nabi SAW. Ini berdasarkan sebuah hadith yang diriwayatkan daripada Anas R.A, beliau berkata:

كَانَ أَكْثَرُ دُعَاءِ النَّبِيِّ صَلَّى اللَّهُ عَلَيْهِ وَسَلَّمَ : اللَّهُمَّ رَبَّنَا آتِنَا فِي الدُّنْيَا حَسَنَةً وَفِي
الْآخِرَةِ حَسَنَةً وَقِنَا عَذَابَ النَّارِ

Maksudnya: “Doa Nabi SAW yang paling sering diucapkan ialah:

اللَّهُمَّ رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ


“Ya Allah, Ya Rabb kami, berilah kami kebaikan di dunia dan kebaikan di akhirat, dan peliharalah kami dari seksa api neraka.”

Riwayat al-Bukhari (6389)
dan Muslim (7016)

Imam Muslim menambah dalam riwayatnya:

وَكَانَ أَنَسٌ إِذَا أَرَادَ أَنْ يَدْعُوَ بِدَعْوَةٍ دَعَا بِهَا، فَإِذَا أَرَادَ أَنْ يَدْعُوَ بِدَعَاءٍ دَعَا بِهَا فِيهِ

Maksudnya: “Apabila Anas hendak berdoa dengan satu doa, maka dia berdoa dengan doa tersebut. Apabila dia hendak berdoa dengan beberapa doa, maka dia menyertakan doa tersebut di dalamnya.”



Al-Hafiz Ibn Hajar menukilkan bahawa al-Qadhi 'Iyadh berkata: “Nabi SAW sering berdoa dengan doa ini kerana pada doa ini terkumpul makna doa seluruhnya, baik yang berhubungan dengan perkara dunia mahupun akhirat. (Lihat **Fath al-Bari**, 14/430)

Imam Ibn Kathir pula menjelaskan bahawa doa ini meliputi pelbagai kebaikan di dunia dan menjauhkan segala kejahatan. Ia mencakupi permintaan yang bersifat duniawi seperti kesihatan, rumah yang luas, isteri yang cantik, rezeki yang melimpah, ilmu yang bermanfaat, amal soleh, kenderaan yang baik, pujian dan sebagainya.

Kebaikan di akhirat pula mencakupi masuk ke dalam syurga – yang merupakan kebaikan yang tertinggi – kemudahan hisab dan pelbagai urusan akhirat yang lain. Manakala keselamatan dari api neraka pula bererti juga kemudahan dari pelbagai faktor penyebabnya di dunia, iaitu berupa perlindungan daripada segala dosa dan larangan serta terhindar daripada pelbagai syubhat dan perkara haram. (Lihat **Tafsir al-Quran al-'Azim**, 1/390)

Penutup

Kami berdoa kepada Allah SWT, semoga buku doa yang ringkas ini, yang kami tujukkan dengan **“Inilah Doaku”** menjadi amalan kita di samping doa-doa yang lain. Semoga kita memperolehi segala hajat dan kebahagiaan hidup di dunia seterusnya di akhirat. Amin.